

# মানবী-না-দেবী?

( ডিটেকটিভ-গল্প )



শ্রীপ্রিয়নাথ মুখোপাধ্যায় প্রণীত



৯ নং সেন্টজেমস স্কোয়ার হইতে

শ্রীউপেন্দ্রভূষণ চৌধুরী কর্তৃক প্রকাশিত



*Printed by K. B. Pattanaika,  
At the Utkal Press, 8, St. James Square, Calcutta.*





# মানবী-না-দেবী ?

## প্রথম পরিচ্ছেদ

রামগোবিন্দ ভট্টাচার্যের বাড়ীতে আজ মহাধুম পড়িয়া গিয়াছে। পল্লীগ্রামে ভট্টাচার্য মহাশয়ের বাড়ী হইলেও, উহা নিতান্ত ক্ষুদ্র নহে, সদর এবং অন্দর উভয় মহলই বেশ পরিসর ও অনেক জায়গার উপর স্থাপিত। সদর মহলের সম্মুখে পূজার দালান ও দুই পার্শ্বে দুইটি বৃহৎ বসিবার ঘর বা বৈঠকখানা, সমস্তই নতুন প্রস্তুত। যে স্থানে এখন ভট্টাচার্য মহাশয়ের পাকা বসত বাটী, সেই স্থানে পূর্বে তাঁহার কয়েকখানি খড়ের ঘর ছিল, ঐ সকল ঘর ভাঙ্গিয়া এখন তাঁহার পুত্র রাজীব-লোচন এই প্রকাণ্ড সৌধ নির্মাণ করিয়াছেন। যে কয় বৎসর এই বাড়ী প্রস্তুত করিয়া ভট্টাচার্য মহাশয় ইহাতে বাস করিতেছেন, সেই কয় বৎসর হইতে এই বাড়ীতে নিয়মিতরূপ ক্রিয়াকর্ম হইতে আরম্ভ হইয়াছে। দুর্গোৎসব বা অপরাপর পূজার সময় ঐ বৃহৎ পূজার দালান কখনই খালি থাকে না।

পূর্বেই বলিয়াছি, ভট্টাচার্য মহাশয়ের বাড়ীতে মহাধুম পড়িয়া গিয়াছে। গামের

ও নিকটবর্তী পল্লীসমূহের ব্রাহ্মণমণ্ডলী আজ মধ্যাহ্নের সময় দলে দলে ঐ বাড়ীতে প্রবেশ করিয়া সেই বৈঠকখানা ঘরে উপবেশন করিতেছেন। “পা ধোবার জল দে,” “তামাক নিয়ে আয়,” প্রভৃতি নানারূপ শব্দে সেই বাড়ী প্রতিধ্বনিত হইতেছে, ভৃত্যগণ চারিদিকে ছুটাছুটা করিয়া সকলের আজ্ঞা প্রতিপালন করিতেছে। মধ্যাহ্নকালে বাড়ীতে অনেক ব্রাহ্মণের সমাগম হইয়াছে। সকলেই নিমন্ত্রিত হইয়া মধ্যাহ্নের কার্য সমাপন করিতে সেই স্থানে আগমন করিয়াছেন, কিন্তু সেই বৃহৎ পূজার দালানতো খালি পড়িয়া রহিয়াছে, উহাতেতে কোন দেবমূর্তি দৃষ্টিগোচর হইতেছে না। এইতো গেল সদর বাড়ীর অবস্থা, অন্দর বাড়ীতে এখন কি হইতেছে একবার দেখা যাউক। বিস্তৃত রন্ধনশালায় সারি সারি বসিয়া প্রবীণা স্ত্রীলোকগণ রন্ধন করিতেছেন, কেহ বা তাহাদিগকে নানারূপে সাহায্য করিতেছেন, উহার মধ্যে বাড়ীর স্ত্রীলোকগণও আছেন, অপর বাড়ীর স্ত্রীলোকগণও আছেন। আজকাল কোন কাজকর্ম উপলক্ষে যেমন পাচক ব্রাহ্মণের অনুসন্ধান করিয়া বেড়াইতে

## মানবী-না-দেবী

হয়, পূর্বে আমাদিগের দেশে তাহা ছিল না, রন্ধনাদি করিবার ভাবনা কাহাকেও ভাবিতে ইত না, কাহার বাড়ীতে কোন কাজকর্ম উপস্থিত হইলে, পাড়ার স্ত্রীলোকগণ আপনা হইতেই নিঃস্বার্থভাবে গমন করিয়া সেই কার্য শেষ করিয়া আসিতেন।

অন্দর মহলের একটা বিস্তৃত দালানে আরও মহাধূম পড়িয়া গিয়াছে। অল্পবয়স্কা স্ত্রীলোকদিগের দ্বারা ঐ স্থান পরিপূর্ণ, ঐ স্থানের একপার্শ্বে বসিয়া পুরোহিত মহাশয় পুঁথি খুলিয়া মন্ত্রপাঠ করিতেছেন, মধ্যস্থলে চাকুবালা বসিয়া সুগন্ধি পুষ্প ও চন্দন দ্বারা রাজীবলোচনের পদযুগল পূজা করিতেছেন। চাকুবালা রাজীবলোচনের গুণবতী ভাৰ্য্যা, আজ তিনি সাবিত্রীব্রত করিয়া মনের সুখে স্বামীর পদপূজা করিতেছেন, তাই এই বাড়ীতে আজ মহাধূম পড়িয়া গিয়াছে।

পূজা সমাপন হইল, সেই বৎসরের ঐ ব্রত উপলক্ষে যাহা য'হা কর্তব্য তাহার সমস্তই শেষ হইল। রন্ধনশালার কার্যও শেষ হইয়া আসিল। রাজীবলোচন হাসিতে হাসিতে সদর বাড়ীতে আগমন করিয়া নিমন্ত্রিত ব্রাহ্মণ-মণ্ডলীকে সাদরসম্ভাষণ, অভিবাদন ও কুশলাদি জিজ্ঞাসা করিয়া সকলের আহারের বন্দোবস্ত করিয়া দিলেন। নৈঠকখানা, পূজার দালান ও পূজার দালানের সংযুক্তভাৱে প্রাঙ্গণে উপবেশন করিয়া সকলে পরিতোষের সহিত আহার করিলেন, ও সময়োপযোগী

কিছু কিছু নগদ দক্ষিণা গ্রহণ করিয়া, ক্রমে সকলে সেই স্থান পরিত্যাগ করিলেন।

ব্রাহ্মণমণ্ডলীর আহাৰাদি সমাপন হইলে, রাজীবলোচন আহাৰ করিলেন। রামগোবিন্দের আহাৰ করিতে প্রায় সন্ধ্যা হইয়া গেল। বাড়ীর চাকর চাঁকরাণী ও অপরাপর লোকগণি যাহারা নানারূপ কার্যে নিযুক্ত ছিল, তাহাদিগের আহাৰ না হইলে রামগোবিন্দ আহাৰ করিবেন না বলিয়াই তাঁহার আহাৰ করিতে এত বিলম্ব হইল, ইহা রামগোবিন্দের পূর্ক্কাবধি অভ্যাস ছিল, বাড়ীর প্রায় সমস্ত কাজকর্ম উপলক্ষেই তাঁহার ঐরূপ অবস্থা ঘটিত।

রামগোবিন্দের আহাৰ করিবার পর, তাহার করিতে বসিলেন তাঁহার পত্নী ও চাকু-বালা। যে সময় তাঁহাদিগের আহাৰ সমাপন হইল তখন রাত্রি প্রায় ৮টা, সেই সময় আহাৰ করিতে আর কেহই বাকী ছিল না। সমস্ত দিবস যদিও তাঁহারা অনাহারে অতিবাহিত করিয়াছিলেন কিন্তু তাহাতে তাঁহাদিগের কিছু গাত্র কষ্ট হয় নাই, মনের আনন্দে কাজকর্ম করিতে ক্রমে দিন অতিবাহিত হইয়া গিয়াছিল।

নবীনা স্ত্রীলোকগণ রামগোবিন্দের পত্নী ও চাকুবার কথা শুনিয়া মনে মনে হাসিবেন ও কহিবেন, যে সকল কার্য পাচকপাচিকা-দিগের দ্বারা সম্পন্ন হয়, কর্মকার্য উপলক্ষে যে সকল কার্য চাকর চাকরাণীর দ্বারা অনায়াসেই সম্পন্ন হইতে পারে, সমস্ত দিবস

উপবাস করিয়া সেই সকল কার্য লইয়া ব্যস্ত থাকি। মুখের কার্য ব্যতীত আর কি বলা যাইতে পারে? বাড়ীতে কোনরূপে লোক সমাগম হইলে বা কোনরূপ কাজকর্ম উপস্থিত হইলে, দক্ষিণ হস্তের ব্যাপার যিনি যত শীঘ্র শেষ করিয়া লইতে পারেন, তাঁহাকে ততই চতুর বলা যাইতে পারে। আর যিনি উপবাসে সমস্ত দিবস অতিবাহিত করিয়া, সকলের আহার অস্তে আহার করিতে বসেন, তাঁহার মত গণ্ডমুখ আর কেহ আছে কি না সন্দেহ!

নবীনা স্ত্রীলোকগণ আজকাল প্রায় ঐরূপই করিয়া থাকেন, তাঁহারা লেখাপড়া শিখিয়াছেন, গৃহকর্মের ও সন্তান প্রতিপালনের ভার পরিচারিকার হস্তে অর্পণ করিয়াছেন, তাঁহাদিগের নিত্যকর্মের মধ্যে পরিগণিত হইয়াছে পুস্তক—বিশেষ উপন্যাস পাঠ, সদা সর্বদা বেশভূষা করিয়া ফিটফাট থাকা, সকলের আহার করিবার পূর্বে আহার করা ও কখন কখন স্বামীর সহিত একত্রে আহার করিতে বসিয়া দুই একটা মিষ্টি কথায় ভালবাসা প্রকাশ করা।

রামগোবিন্দের স্ত্রী বা চারুবালার শিক্ষা সেরূপ ছিল না, সুতরাং নবীনা স্ত্রীলোকের সহিত তাঁহাদিগের মনের ভাব কোনরূপেই মিলিত না।

—:~:—

## দ্বিতীয় পরিচ্ছেদ

রামগোবিন্দ ভট্টাচার্য্য দরিদ্র ব্রাহ্মণ ছিলেন, সামান্য বৃত্তি—ব্রাহ্মোত্তর হইতে তিনি কোনগতিকে দিনযাপন করিতেন। রাজীবলোচন ভট্টাচার্য্য তাঁহার একমাত্র সন্তান, গ্রামের পাঠশালায় ও পরিশেষে সেই গ্রামের স্কুলে রাজীবলোচন তাঁহার বাল্যশিক্ষা সমাপন করেন। রামগোবিন্দ অনেক কষ্টে স্কুলের বেতন প্রভৃতি প্রদান করিয়া তাঁহার শিক্ষার নিমিত্ত সাহায্য করিয়াছিলেন, সেই স্কুলের শেষ পরীক্ষায় রাজীবলোচন বিশেষ সম্মানের সহিত উত্তীর্ণ হন ও বৃত্তি প্রাপ্ত হন, সেই বৃত্তি অবলম্বনে তিনি কলিকাতায় আগমন করিয়া একটা বিশ্ববিদ্যালয়ে প্রবিষ্ট হইয়া লেখাপড়া শিখিতে আরম্ভ করেন, ও পর পর ক্রমশঃ বৃত্তি প্রাপ্ত হইয়া ক্রমে তিনি উচ্চশিক্ষা শেষ করেন, ও উকীল হইয়া বিদ্যালয় পরিত্যাগ করেন।

উকীল হইয়া প্রথমতঃ তিনি কলিকাতার নিকটবর্তী জেলা আদালতে ওকালতি আরম্ভ করেন, ও কিছু কিছু পাইতেও থাকেন। এতদ্বিস্ত তিনি পিতামাতাকে কোনরূপে সাহায্য করিতে পারিতেন না, উকীল হইয়াও একবৎসর কাল তাঁহাদিগকে সাহায্য করিতে সমর্থ হন নাই, কোন গতিকে নিজের খরচ চালাইতে থাকেন। এক বৎসর পরে ক্রমে তাঁহার আয় বৃদ্ধি হইতে আরম্ভ

হইল, নিজের খরচপত্র বাদে পিতামাতাকে কিছু কিছু সাহায্য করিতে আরম্ভ করিলেন। এইরূপে জেলা আদালতে পাঁচ বৎসর অতিবাহিত করিয়া তিনি হাইকোর্টে আসিয়া ওকালতি আরম্ভ করিলেন। ক্রমে তিনি তাঁহার পসারের সঙ্গে সঙ্গে বিস্তর অর্থ উপার্জন করিতে আরম্ভ করিলেন ও পিতামাতাকেও যথেষ্ট অর্থ দিয়া সাহায্য করিতে লাগিলেন। নিজগ্রামে রুহং বাড়ী প্রস্তুত করাইলেন। পুত্রের উপার্জিত অর্থ বৃদ্ধ রামগোবিন্দ মনের সুখে ক্রিয়াকর্ম, পূজাপার্কণ, ব্রত-নিয়ম, অতিথি-অভ্যাগতদিগের সেবা করিয়া দিন অতিবাহিত করিতে লাগিলেন। এই সকল কার্যে তাঁহার প্রধান সাহায্যকারিণী হইলেন তাঁহার বৃদ্ধা স্ত্রী ও যুবতী পুত্রবধূ চাকুবালা।

চাকুবালা বিশেষ ভদ্রবংশসমৃদ্ধ গরিবের কণ্ঠা। যে সময় রাম গোবিন্দ রাজীবলোচনের বিবাহ দেন, সেই সময় তাহার দরিদ্র অবস্থা দূর হইয়াছে, সেই সময় মনে করিলে রামগোবিন্দ কোন বড় লোকের কণ্ঠাকে পুত্রবধূরূপে আপন গৃহে আনিতে পারিতেন, ও সেই সঙ্গে অনেক ধন ও অলঙ্কার তাঁহার গৃহে আসিত। কিন্তু রামগোবিন্দ সেদিকে কিছুমাত্র দৃষ্টিপাত না করিয়া দরিদ্র গৃহজাত লক্ষ্মীকে আনিয়া আপন ঘরে স্থাপিত করিলেন। চাকুবালা রামগোবিন্দের গৃহে পদার্পণ করিতে না করিতেই রাজীবলোচনের মান, সম্মান, পসার, ধ্যাতি প্রতিপত্তি, ক্রমেই বাড়িতে লাগিল।

রাশি রাশি অর্থ আসিয়া তাঁহার হাতে পড়িতে লাগিল।

রাজীবলোচন কলিকাতায় তাঁহার একখানি বাসোপযোগী বাড়ী প্রস্তুত করিয়াছিলেন, চাকুবালা সময় সময় সেই বাড়ীতে আসিয়া বাস করিতেন, কিন্তু অধিকাংশ সময়ই গ্রামে বাস করিয়া বৃদ্ধ পুত্র শাশুড়ীর সেবায় নিযুক্ত থাকিতেন। ক্রিয়াকর্ম প্রভৃতি কিছুই কখন কলিকাতার বাড়ীতে হইত না, সে সমস্তই দেশে হইত, তবে কলিকাতায় বন্ধু বান্ধবগণকে কোন সময়ে নিমন্ত্রণ করিতে হইলে, তাহার আয়োজন প্রভৃতি কলিকাতার বাড়ীতেই হইত।

সাবিত্রী ব্রত উপলক্ষে রাজীবলোচন দেশে আগমন করিয়াছিলেন। কলিকাতায় সেই সময় তাঁহার নামলা মকর্দমাদির এতদূর ঝঞ্জাট ছিল যে, সেই সময় তাঁহার কিছুতেই কলিকাতা ছাড়িয়া যাইবার উপায় ছিল না, কিন্তু কি করেন, চাকুবালার ব্রত উপলক্ষে তাঁহার বাড়ী না যাইলেও নহে, সুতরাং দুইতিন দিবসের নিমিত্ত তাঁহাকে দেশে আসিতে হইয়াছিল।

রাজীবলোচন যে সময় চাকুবালাকে বিবাহ করেন, সেই সময় চাকুবালার একখানিও অলঙ্কার ছিল না, কিন্তু রাজীবলোচন ক্রমে দুই একখানি করিয়া তাহাকে অনেকগুলি মূল্যবান অলঙ্কার প্রদান করিয়াছিলেন। ঐ সকল অলঙ্কারের মধ্যে তিনি একছড়া

## দ্বিতীয় পরিচ্ছেদ ।

মুক্তার মালাও প্রস্তুত করিয়া দিয়াছিলেন । সদা সর্বদা যেরূপ ভাবে মুক্তার মালা গ্রথিত হইয়া থাকে, ইহা সে প্রকারে গ্রথিত ছিল না । ছোট ছোট মটরের গায় কতকগুলি মুক্তা তিনি বাছিয়া বাছিয়া সংগ্রহ করেন, ও ঐ মুক্তাতে একছড়া সাতনরহার গ্রথিত করাইয়াছিলেন । যেরূপ ভাবে মুক্তার সাতনর গ্রথিত হয়, ইহা সে প্রকারে প্রস্তুত হয় না । ঐ সাতনর হার সোনার পাটরিব গায় গায় পায় চওড়া করিয়া সাজান হয় । ও উহা যাহাতে ঠিক সেইরূপ ভাবে আটকাইয়া রাখিতে পারা যায়, এরূপ কয়েকখানি খামি প্রস্তুত করিয়া ঐ হারের মধ্য মধ্য স্থাপিত করিয়া উহারই সহিত ঐ হার গাঁথিয়া দেওয়া হয় । মধ্য মধ্য পাঁচ সাতখানি খামির সহিত ঐ মুক্তা হার সমানভাবে গ্রথিত থাকায়, উহার কোন নর কোনরূপেই স্থানচ্যুত হইতে পারে না । গলায় ও বক্ষঃস্থলে সমানভাবে একটী চওড়া হারের গায় থাকে । ঐ খামিগুলি সুবর্ণ নির্মিত হইলেও উহাতে ভাল কয়েকখানি করিয়া ছিরা চূনি ও পান্ন বসান ছিল । কয়েক বৎসর ব্যবহার করিতে করিতে উহার কয়েকখানি প্রস্তর খুলিয়া গিয়াছিল, কিন্তু একখানিও হারাইয়া যায় নাই । চারুবালা বিশেষ যত্ন করিয়া উহা তুলিয়া রাখিয়াছিলেন ।

ব্রত উপলক্ষে চারুবালা তাঁহার সমস্ত অলঙ্কার পরিধান করিয়া রাজীব লোচনের পদ পূজা করিয়াছিলেন ।

যে সময় চারুবালা অবগুণ্ঠনে নিজের মস্তক আবৃত করিয়া প্রতিবেশিনীগণের সম্মুখে স্বামীপদ পূজা করিতেছিলেন, সেই সময় তাহার কণ্ঠস্থিত সেই মুক্তা হার তাহার স্থানচ্যুত হইয়া কাপড়ের বাহিরে আসিয়া পড়ে, সেই সময় রাজীবলোচনের দৃষ্টি সেই হারের উপর পতিত হয়, তিনি দেখিতে পান, উহার কয়েকখানি খামি হইতে কয়েকখানি প্রস্তর খসিয়া পড়িয়া গিয়াছে । সেই সময়ে রাজীব লোচন ও সম্বন্ধে কোন কথা বলেন না ।

রাত্রিকালে যখন তিনি আপন ঘরে গিয়া শয়ন করেন, সেই সময় কথায় কথায় রাজীব লোচন চারুবালাকে কহেন, “আজ আমি দেখিলাম, তেমার মুক্তাহারের খামি হইতে কয়েক খানি প্রস্তর পড়িয়া গিয়াছে, একথা আমাকে এতদিন বল নাই কেন ? আমি উহা কলিকাতায় লইয়া গিয়া যে স্থান হইতে যেরূপ প্রস্তর হারাইয়া গিয়াছে, সেই সকল স্থানে ঠিক সেইরূপ প্রস্তর বসাইয়া দিতাম । কাল কলিকাতায় যাইবার সময় ঐ হারছড়াটী আমার সঙ্গে দিও, আমি যত শীঘ্র পারি উহা ঠিক করিয়া পাঠাইয়া দিব ।”

রাজীবলোচনের কথা শুনিয়া চারুবালা কহিলেন, “কয়েকখানি প্রস্তর একে একে খুলিয়া গিয়াছে, কিন্তু একখানিও হারায় নাই আমি সমস্তগুলিই তুলিয়া রাখিয়াছি । উহা পুনরায় মেরামত করিয়া দিবার জন্ত তোমাকে আমি অনুরোধ করি নাই, কারণ আমি জানি,

তুমি সদা সর্বদা পরের ঝগাটে যেরূপ ব্যতি-  
ব্যস্ত থাক, তাহাতে এই সকল সামান্য বিষয়ে  
মনোযোগ করিবার তোমার সময় থাকে না।  
বিশেষ আমার ওকথা মনেই ছিল না, কারণ ঐ  
সকল অলঙ্কার বিশেষ কোন কাজকর্মের  
উপলক্ষ্য ব্যতীত আমি পরিধান করি না।”

চারুবালার কথা শুনিয়া রাজীবলোচন  
কহিলেন, “সে যাহা হউক, ঐ মালা-ছড়াটা  
এখনই আমাকে দাও আমি আমার ব্যাগের  
মধ্যে রাখিয়া দিই, কারণ কল্যা আমি যখন  
গমন করিব, সেই সময় পাছে তুমি ভুলিয়া  
যাও।

রাজীবলোচনের কথা শুনিয়া চারুবালা  
আর কোন উত্তর করিলেন না, ধীরে ধীরে  
শয্যা হইতে গাত্রোথান করিয়া নিজের বাস্তু  
খুলিলেন, ও সেই মুক্তার মালা ছড়াটা ও স্থান-  
ভ্রম প্রস্তুত কয়েকখানি তাহা হইতে বাহির  
করিয়া রাজীবলোচনের হস্তে প্রদান করিলেন,  
তিনি সেইগুলি একবার উত্তমরূপে দেখিয়া  
আপনার ব্যাগের ভিতর বন্ধ করিয়া রাখিলেন।  
ক্লেমে রাত্রি অতিবাহিত হইয়া গেল, পরদিবস  
প্রত্যুষে রাজীবলোচন সকলের নিকট বিদায়  
গ্রহণ করিয়া, ও বৃদ্ধ পিতামাতার পদবন্দনা  
করিয়া কলিকাতা অভিমুখে যাত্রা করিলেন।

—:~:—

## তৃতীয় পরিচ্ছেদ

রাজীবলোচন কলিকাতায় আসিয়া তাঁহার  
ব্যাগটা তাঁহার অফিস ঘরে রাখিয়া দিবার  
নিমিত্ত ভৃত্যকে আদেশ প্রদান করিলেন।  
ভৃত্য আদেশ প্রতিপালন করিল, ব্যাগটা  
তাঁহার অফিস ঘরের একখানি টেবিলের  
উপর রাখিয়া দিল। রাজীবলোচন কলি-  
কাতায় আসিয়া মামলা মর্দমাদির ঝগাটে  
এরূপ ব্যস্ত হইয়া পড়িয়াছিলেন, যে সে  
দিবস তিনি সেই হারছড়াটা মেরামত করিতে  
দিবার নিমিত্ত কারিকরকে ডাকাইয়া আনিবার  
কথা একেবারেই ভুলিয়া গেলেন।

রাত্রিকালে যেসময় হারের কথা তাঁহার  
মনে পড়িল, সেই সময়ে কারিকরকে ডাকিবার  
আর সময় ছিল না। পর দিবস প্রত্যুষে  
তিনি শয্যা হইতে গাত্রোথান করিয়াই যে  
ব্যক্তি ঐ হার প্রস্তুত করিয়া দিয়াছিল,  
তাহাকে ডাকাইয়া আনিবার নিমিত্ত তাঁহার  
সরকারকে আদেশপ্রদান করিলেন। সরকারও  
সঙ্গে সঙ্গে তাঁহার আদেশ প্রতিপালন করিল।  
দিবা আটটা বাজিতে না বাজিতে সেই হার-  
প্রস্তুতকারীকে আনিয়া সেই স্থানে উপস্থিত  
করিল। কারিকর সেইস্থানে আসিয়া উপস্থিত  
হইলে, রাজীবলোচন তাহাকে বসিতে বলিলেন,  
ও কহিলেন, “আজ কয়েক বৎসর অতীত  
হইল, তুমি একছড়া মুক্তার হার প্রস্তুত করিয়া  
দিয়াছিলে, একথা তোমার মনে আছে কি ?



কারি । - আছে ।

রাজী । উহার কয়েকখানি খামি হইতে কয়েকখানি প্রস্তর খসিয়া গিয়াছে, কিন্তু উহার এক খানিও হারায় নাই, ঐ প্রস্তর গুলি পুনরায় সেই স্থানে বসাইয়া দিতে হইবে, ও আরও যদি কোন প্রস্তর ঐ রূপে খুলিয়া যাইবার উপক্রম হইয়া থাকে তাহাও দেখিয়া ঠিক করিয়া দিতে হইবে । আমি কিন্তু উহা শীঘ্র চাই দুই এক দিনের মধ্যেই আমাকে উহা যেরামত করিয়া দিতে হইবে ।

কারি । হার ছড়াটী ও প্রস্তর কয়েকখানি কোথায় ?

রাজী । এই স্থানেই আছে, আমি বাড়ী হইতে উহা এখানে আনিয়াছি ।

এই বলিয়া রাজীবলোচন তাঁহার সরকারকে সেই ব্যাগটী তাঁহার নিকট আনিতে আদেশ করিলেন । যে ঘরে বসিয়া সেট কারি কারের সহিত রাজীবলোচন কথা কহিতেছিলেন সেই ব্যাগটীও সেট ঘরের ভিতর ছিল ।

রাজীবলোচনের কথা শুনিয়া সরকার এখনই সেই ব্যাগটী আনিয়া রাজীবলোচনের ন্যূণে স্থাপন করিল । ঐ ব্যাগের চাবি রাজীবলোচনের নিকটেই ছিল তিনি ঐ ব্যাগটী খুলিলেন ও নিতান্ত বিমায়ের সহিত দেখিলেন যে, উহার ভিতর যাহা যাহা ছিল সমস্তই ঠিক আছে, কেবল সেই হার ছড়াটী নাই । হার হইতে যে কয়েকখানি প্রস্তর খসিয়া পড়িয়া গিয়াছিল তাহা একখানি ছোট নেকুড়াগ

বাধা ছিল, তাহা তিনি যে স্থানে রাখিয়াছিলেন, সেই স্থানেই পাইলেন । ঐ ব্যাগের ভিতর হার ছড়াটী না পাইয়া তিনি অতিশয় বিস্মিত হইলেন, ঐ ব্যাগের ভিতর পুনঃ পুনঃ অনুসন্ধান করিলেন কিন্তু সেই হার প্রাপ্ত হইলেন না । ঐ ব্যাগের ভিতর যাচা যাচা ছিল সমস্তই বাহির করিয়া ফেলিলেন । উহার ভিতর যে সকল কাপড় পিরাখ প্রভৃতি ছিল তাহা এক এক খানি করিয়া খুলিয়া ও কাড়িয়া দেখিলেন, কিন্তু ঐ হার প্রাপ্ত হইলেন না । যাহা উহার ভিতর নাই, উহা হইতে যাহা অপসৃত হইয়াছে তাহা আর উহার ভিতর কিরূপে প্রাপ্ত হইবেন ?

একবার তাঁহার মনে হইল তবে কি ঐ হার ভুল কমে তিনি বাড়িতেই ফেলিয়া আসিয়াছেন ? কিন্তু পরক্ষণেই মনে হইল তাহা কখনই হইতে পারে না : তিনি নিজহস্তে যাহা ব্যাগের মধ্যে রাখিয়াছেন তাহা ফেলিয়া আসিলেন কি রূপে ? তাহা হইলে প্রস্তরের ক্ষুদ্র গোটনাটীও সেই সঙ্গে ফেলিয়া আসিতেন ; উহার কোন প্রকারেই ভুল হয় নাই, ঐ হার নিশ্চয়ই ঐ ব্যাগ হইতে অপসৃত হইয়াছে । তিনি এক বার মনে করিলেন চাকর-বালাকে পত্র লিখিবার সময় তাঁহাকে ঐ হারের কথা লিখিলে হয় না ? যদি ভুল কমেই ঐ হার তাঁহার ঘরে ফেলিয়া আসিয়া থাকেন তাহা হইলে নিশ্চয়ই তিনি তাহা প্রাপ্ত হইয়াছেন । অবার ভাবিলেন যদি চাকর-বাল

উহা পাইয়াই খাঁকেন তাহা হইলে নিশ্চয় উনি তাঁহাকে লিখিবেন । আর তিনি পাইবেনই বা কোথা হইতে ? যখন তিনি নিজ হস্তে করিয়া উহা তাঁহার ব্যাগের ভিতর রাখিয়া দিয়াছেন, তখন উহা চাকরবানার পাইবার কোন রূপ সম্ভাবনা নাই । এখন কথা হইতেছে উহা চুরি হইল কোথা হইতে ? ব্যাগের চাবি তাঁহার নিকট । বাড়ী হইতে কলিকাতায় আসা পর্যন্ত ঐ ব্যাগ বারাবরই তাঁহার নিকট ছিল । সুতরাং রাস্তায় উহা কোন রূপেই অপসৃত হইতে পারে না । যদি রাস্তা হইতে উহা অপসৃত হইত তাহা হইলে ব্যাগের ভিতর হইতে কেবল মাত্র হার কখনই যাঁত না ব্যাগ সমেত অপসৃত হইত । এ হার নিশ্চয়ই তাঁহার অফিস ঘর হইতে অপসৃত হইয়াছে । সমস্ত রাত্রি ঐ ব্যাগ অফিস ঘরে ছিল, সুতরাং ব্যাগ হইতে হার বাহির করিয়া লইবার সুযোগও যথেষ্ট ঘটিয়াছিল কিন্তু যে ব্যক্তি ঐ ব্যাগ হইতে ঐ হার অপহরণ করিয়াছে, সে ব্যাগের চাবি পাইল কোথা হইতে ? তবে বাড়ীর ভৃত্য দিগের কাহার দ্বারা যদি ঐ হার অপসৃত হইয়া থাকে তাহা হইলে তাঁহার চাবি তাহার একেবারে সে না পাইতে পারে এরূপ নহে । এইরূপ নানা প্রকার চিন্তা তাঁহার মনে আসিয়া উদয় হইল ।

তিনি সেই কারিকরকে সেই সময় বিদায় দিয়া, এরূপ অবস্থায় এখন কি কর্তব্য তাহারই চিন্তা করিতে লাগিলেন

পরিশেষে সাব্যস্ত হইল যে যখন অধিকটাকা মুলোর হারছড়াটা অপসৃত হইয়াছে, তখন স্থিরভাবে বসিয়া থাকা কর্তব্য নহে, পুলিশে সংবাদ দেওয়া হউক তাঁহারা আসিয়া যাহা কর্তব্য তাহা করুন ।

আরও সাব্যস্ত করিলেন চাকরবানাকে এ সংবাদ দেওয়া হইবে না, পুলিশ অনুসন্ধান করিয়া যদি ঐ হার বাহির করিতে পারেন ভালই নতুবা ঐ প্রকারের আর একছড়া হার প্রস্তুত করিয়া চাকরবানাকে প্রদান করা যাইবে ।

মনে মনে এই রূপ স্থির করিয়া রাজীবলোচন, দুই খানি পত্র লিখিলেন এক খানি লিখিলেন স্থানীয় পুলিশের ভারপ্রাপ্ত কর্মচারীকে, তাহাতে কেবল এই মাত্র লিখিত হইল যে আমার অফিস ঘরের মধ্যস্থিত একটা ব্যাগের ভিতর হইতে এক ছড়া মূল্যবান মুলোর মাল্য অপসৃত হইয়াছে । আপনি আসিয়া উহার আবশ্যকীয় অনুসন্ধান করিবেন আপনি এখানে আসিলে উহার সমস্ত ঘটনা আমি আপনাকে বলিব ।

অপর পত্র খানি লিখিলেন চাকরবানাকে তাহাকে যে রূপ সংক্ষেপে পত্র লিখিলেন ও রূপ ভাবের সংক্ষিপ্ত পত্র তিনি চাকরবানাকে ইতিপূর্বে আর কখন লেখেন নাই । তিনি লিখিলেন :

প্রিয় চাকরবানাকে

আমি কলিকাতায় আসিয়া পৌছিয়াছি  
তুমি কেমন থাক মনো মনো আমাকে  
নিলিবে ।

তোমার

রাজীবলোচন

প্রথম পত্র খানি একজন লোক দিয়া থানা  
পাঠাইয়া দিলেন, দ্বিতীয় পত্র খানি ডাক-  
যোগে প্রেরণ করিলেন । নিজে তাঁহার  
আফিস ঘরে বসিয়া যে পুলিশ কর্মচারী  
অনুসন্ধান করিতে আসিবেন তাঁহার অপেক্ষা  
করিতে লাগিলেন ।

রাজীবলোচনের পত্র পাইয়া মাত্র  
খানার একজন কর্মচারী সেই হার চুরি  
মকদ্দমার অনুসন্ধান করিবার নিমিত্ত  
রাজীবলোচনের বাড়ীতে আসিয়া উপস্থিত  
হইলেন । যে রূপ অবস্থায় ঐ হার অপহৃত  
হইয়াছে তাহার সমস্ত অবস্থা রাজীবলোচন  
সেই পুলিশ কর্মচারীকে উত্তম রূপে বুঝাইয়া  
দিলেন । কর্মচারী সমস্ত অবস্থা শুনিয়া  
ও ঘটনাস্থলের অবস্থা দেখিয়া বিশেষ কিছুই  
স্থির করিয়া উঠিতে পারিলেন না, এক বার  
মনে করিলেন যে, হার অপহৃত হয় নাই ।  
ভুল ক্রমে তিনি উহা বাড়ীতে ফেলিয়া  
আসিয়াছেন । কখন বা ভাবিলেন বাড়ী  
হইতে কলিকাতায় আসিবার কালীন সুযোগ  
সমত ঐ হার কেহ তাঁহার ব্যাগ হইতে  
বাহির করিয়া লইয়াছে । - পরিশেষে ইহাও  
স্বাভাবিক । যে রাজীবলোচনের আফিস

ঘর হইতে ঐ হার অপহৃত হইবার খুব  
সম্ভাবনা : ও তাঁহার শেষ অনুমানই যদি  
প্রকৃত হয় তাহা হইলে বাড়ীর কোন পরি-  
চারক ভিন্ন এই কার্য আর কাহার দ্বারা হই  
নাই । মনে মনে এইরূপ ভাবিয়া বাড়ীর সমস্ত  
পরিচারক দিগকে দেখিলেন ও উপস্থিত মত  
জিজ্ঞাসাবাদও করিলেন কিন্তু কাহারও  
নিকট হইতে কোন কথা অবগত হইতে  
পারিলেন না ।

এইরূপে সেই বাড়ীর ভিতর সেই সমর  
যে সকল অনুসন্ধান করিবার আবশ্যকতা  
তিনি বিবেচনা করিলেন, তাহা শেষ করিয়া  
তিনি রাজীবলোচনের বাড়ী হইতে বহির্গত  
হইলেন । যাঁহাবার সময় বলিয়া গেলেন  
এই হার যেই অপহরণ করুক না কেন  
তাহাকে উহা বিক্রয় করিতেই হইবে, বাজারে  
ঐ হার বাহির হইলে যাহাতে তাহার সন্ধান  
প্রাপ্ত হওয়া যায়, এখন তাহারই চেষ্টা দেখা  
কর্তব্য ।

কর্মচারীর কথা রাজীবলোচন কোম  
কথা কহিলেন না । কর্মচারী বাড়ী হইতে  
বহির্গত হইয়া গেলেন ।

—\*—

## চতুর্থ পরিচ্ছেদ

চারুবালা রাজীবলোচনের পত্র পাইয়া  
যে-কতদূর বিস্মিত হইলেন, তাহা অনুমান

কর। নিতান্ত সহজ নহে। এরূপ দুই ছেলের পত্র ইতি পূর্বে চাকুবালা রাজীবলোচনের নিকট হইতে আর কখন প্রাপ্ত হন নাই। এই পত্র! পাঠ করিয়া চাকুবালার অন্তরে প্রথমতঃ একটু রাগের সঞ্চার হইল কিন্তু পরক্ষণেই তিনি তাহা সংবরণ করিয়া ফেলিলেন, রাগের পরিবর্তে দুঃখ আসিয়া তাঁহার হৃদয় পূর্ণ করিল, কিন্তু তাঁহার হৃদয়ের সে ভাব অধিকক্ষণ রহিল না। তাঁহার মনে হইল বাড়ী আসিবার নিমিত্ত তাঁহার আফিসের দুই তিন দিন কার্যের বিশেষ ক্রতি চণ্ডিয়ায়, তিনি সেই স্থানে গমন করিয়া পরের কার্যের সঞ্চারে অতিশয় বাস্তব হইতে পড়িয়াছেন বলিয়াই, তাঁহার নিকট হইতে যে রূপ পত্রের প্রত্যাশা কর যাইতে পারে, সেইরূপ পত্র তিনি লিখিয়া উঠিতে পারেন নাই বলিয়াই, এই রূপ অতি সংক্ষিপ্ত পত্র লিখিয়াছেন। দুই এক দিবস গত হইলেই, যখন তিনি সময় পাইবেন তখন তিনি আমাকে নিশ্চয়ই পত্র লিখিবেন। তিনি যে রূপ ভাবে আমাকে পত্র লিখিয়াছেন, আমিও ঠিক সেই রূপ ভাবে তাহার উত্তর প্রদান করিব, দেখি ইহাতেই না তিনি কি ভাবেন? এই বলিয়া তিনি নিম্ন লিখিত রূপ একখানি পত্র তাঁহাকে লিখিলেন,

খামিন!

আপনার দুই ছেলের এক পত্র পাইয়াছি।

এখানে নতুন আর কোন সংবাদ নাই, আমার শক্তির শক্তি ডি ভাল আছেন।

চিরান্তুগুহীতা দাসী  
চাকুবালা

এইরূপ পত্র লিখিবার পর রাজীবলোচন তাঁহাকে কিরূপ পত্রাদি লিখেন তাহা দেখিবার নিমিত্ত চাকুবালার আশা পথে চাহিয়া, কয়েক দিন অতিবাহিত করিতে লাগিলেন। কয়েক দিনের পর দিন অতিবাহিত হইতে লাগিল, সপ্তাহের পর সপ্তাহও চলিয়া গেল, কিন্তু চাকুবালার রাজীবলোচনের কোন পত্রাদি পাইলেন না। কয়েক তিনি অস্থির হইয়া পড়িতে লাগিলেন, ভাবিলেন হয়তো আমার পত্র পাইয়া তিনি রাগ করিয়াছেন, তাই আমাকে আর কোন পত্র লিখিলেন না। আবার ভাবিলেন কলিকাতায় গিয়া হয়তো তিনি অতিশয় অস্থির হইয়া পড়িয়াছেন, তাই পত্র লিখিতে পারেন নাই, নতুবা আজ কুড়ি দিবস হইল একখানি পত্র লিখিতে যে তিনি সময় পান নাই, ইহা কখনই সম্ভবপর নহে। চাকুবালার এতদিবস মনের কষ্ট মনে রাখিয়া কোন রূপে দিন যাপন করিতেছিলেম, কিন্তু আর তিনি মনকে কোন রূপেই স্থির রাখিতে পারিলেন না। এক দিবস সময় মত তিনি তাঁহার শান্ত-ডিকে ভিজ্ঞাসা করিলেন কলিকাতা হইতে কোন পত্রাদি আসিয়াছে কি? উত্তরে রাজীবলোচনের মাতা কহিলেন চিঠি আসিয়াছে

বটকি রাজীব এখান হইতে যাওয়ার পর ভোমার শত্রুকে দুই তিন খানি পত্র লিখিয়াছেন কালও একখানি পত্র পাওয়া গিয়াছে, তিনি ভাল আছেন, কেন মা, ভোমাকে কি রাজীব কোন পত্রাদি লিখে নাই ?”

উত্তরে চারুবালা কহিলেন এই স্থান হইতে কলিকাতায় গমন করিবার পদট্ট এক খানি পত্র পাইয়াছিলাম, তাহার পর আমি আর কোন পত্র পাই নাই ।

রাজীবলোচনের মাতার কথা শুনিয়া চারুবালা আর কোন কথা তাঁহাকে জিজ্ঞাসা করিলেন না । একটী কার্খোর অচ্ছিন্না করিয়া তিনি সেই স্থান হইতে গালোখান করিলেন ও নিজের শয়ন ঘরে প্রবেশ করিয়া পালঙ্কের উপর স্থির ভাবে শয়ন করিলেন ।

সেই সময় চারুবালার হৃদয়ের মধ্যে যে কিরূপ ভয়ানক তরঙ্গ উঠিয়াছিল তাহার বর্ণন করা লেখকের সাধ্য নহে, কোম পাঠক সেই প্রবল তরঙ্গের বিঘ্ন কিছুমাত্র সহজে অনুমান করিতে পারিবেন না, কিন্তু পাঠিকা গণের মধ্যে যদি কাহার অন্তরে সেই রূপ ঘটনা ঘটয়া থাকে, তাহা হইলে তিনি তাহার কিয়ৎপরিমাণ উপলক্ষি করিতে পারিবেন ।

চারুবালা শুইয়া শুইয়া কত কি ভাবিলেন, ও পরিশেষে মনে করিলেন উকীল গণের মধ্যে অনেকে অনেক অর্থ যেমন উপার্জন করিয়া থাকেন, কলিকাতার তাঁহাদিগের

মধ্যে অনেকে সেই অর্থ নানা রূপে অপব্যয়ও করিয়া থাকেন । এ কথা আমি অনেক সময় শুনিয়াছি । অনেকে কেবল অর্থ নষ্ট করিয়াই নিষ্কৃতি লাভ করিতে পারেন না, নিজের সাহ্যকেও সেই সঙ্গে বিসর্জন দিয়া থাকেন । অনেকে কুহকিনীগণের মায়ায় মুগ্ধ হইয়া, আপন পিতা মাতা ও স্ত্রীকে পর্যন্ত ছুনিয়া, তাহাদিগকে নষ্টরাই উন্নত হইয়া পড়েন ও উপার্জিত সমস্ত অর্থ তাহাদিগকে প্রদান করিয়া নিজের পরিণামের বিশেষ অনিষ্ট সাধন করিয়া থাকেন ।

চারুবালা মনে করিলেন বাড়ী হইতে গমন করিবার পর এবার কি তিনি সেই রূপ প্রকৃতির কোন উকীলের সহিত মিলিত হইয়া কোন নিন্দনীয় স্থানে গমন করিতে আরম্ভ করিয়াছেন ও কোন কুহকিনীর প্রণয়ে পতিত হইয়া তাঁহাকে ছুনিয়া গিয়া নিজের ইহ-কাল ও পরকাল নষ্ট করিতে বসিয়াছেন ? নতুবা এরূপ ভাবে একেবারে তাঁহাকে বিস্মৃত হইবারতো কথা নহে ।

চারুবালার হৃদয়ে এইরূপ বড় কথা উদয় হইতে লাগিল ততই তাঁহার চক্ষু দিয়া জল ধারা পতিত হইয়া, তাঁহার উপাধান পর্যন্ত ভিজিয়া যাইতে লাগিল । আবার পরক্ষণেই তিনি আপনাকেই বলিতে লাগিলেন “আমি কি মহাপাতকী, আপন দেবোপম স্বামীর প্রতি আমি অবিধায় করিতেছি । অনেক উপায় করিলেও কোন স্বামী-প্রাপ্ত হওয়া যায়না,

বিণা উপস্থায় আমি সেইরূপ স্বামীর ভাল-  
বাসা পাইয়াছি কিন্তু এখন আমি তাঁহার  
দেব দ্বন্দ্ব চরিত্রের উপর নানা রূপ সন্দেহ  
করিয়া যে মহাপাপের সন্ধ্যা করিতেছি তাহার  
প্রায়শ্চিত্ত এ ক্ষণে কিছুতেই হইতে পারে  
না।

চাকরবাল। যখন এইরূপ নানা চিন্তায়  
নিমগ্নাছিলেন সেই সময় একটা পরিচারিকা  
একখানি পত্র হস্তে তাঁহার ঘরে প্রবেশ  
করিল।

পরিচারিকার হস্তে একখানি পত্র দেখিয়া  
তিনি জিজ্ঞাসা করিলেন উহা কাহার চিঠি।

উত্তরে পরিচারিকা কহিল উহা আপনার  
পত্র, একজন ডাকওয়াল। উহা এখনই দিয়া  
গেল।

চাকরবাল। পত্রখানি আপন হস্তে গ্রহণ  
করিলেন ও দেখিলেন উহা রাজীবলোচনের  
হস্ত লিখিত, তাঁহারই পত্র। বিশেষ আগ্রহের  
সহিত তিনি উহা খুলিলেন, ও পাঠ করিলেন  
উহাও একখানি নিতান্ত সংক্ষিপ্ত পত্র, দুই  
চারি ছত্র ভিন্ন উহাতে অধিক কিছু লেখা  
নাই। পত্রখানি পাঠ করিয়া চাকরবাল। আরও  
স্বপ্নাহত হইলেন, উহাতে কেবল এই মাত্র  
লেখা আছে।

প্রিয় চাকরবাল। !

বিশেষ কাজের ব্যস্তাটে আমি তোমাকে  
অনেক দিবস পত্র লিখিতে পারি নাই, ও  
সময় গত তোমার পত্রেরও কোন উত্তর দিতে

পারি নাই অপরাধ মাগ করিও। একটু  
সাবধানে পাইলেই তোমাকে বিস্তারিত পত্রে  
সমস্ত লিখিব এখানে আমি ছালা আছি।

তোমার . .

শ্রী রাজীবলোচন

চাকরবাল। রাজীবলোচনের চরিত্রের উপর  
যে রূপ সন্দেহ করিতেছিলেন, অথচ যে  
সন্দেহকে তাঁহার মনে স্থান দিতে পারিতেছি-  
লেন না, সেই সন্দেহ পুনরায় তাঁহার জন্মের  
আসিয়া উপস্থিত হইল, সেই সন্দেহকে তিনি  
জন্ম হইতে বিভাডিত করিবার অনেক চেষ্টা  
করিতে লাগিলেন, কিন্তু কোন রূপেই কৃত-  
কার্য হইতে সমর্থ হইলেন না। সেই  
সময় একবার তাঁহার মনে হইল, এবার তিনি  
আমার মস্তুর হাব ছড়াটা লইয়া ঘাইকার  
নিমিত্ত এত ব্যস্ত হইলেন কেন ? তিনি  
আমাকে দুইখানি পত্র লিখিয়াছেন কিন্তু ঐ  
হার সন্দেহতো কোন কথা লিখেন নাই।  
উহা তো তিনি কাহাকেও প্রদান করেন  
নাই ? কাহাকে প্রদান করিবার নিমিত্ত ঐ  
হার তিনি আমার নিকট হইতে মেরামতের  
ভান করিয়া লইয়া যান নাইতো ? না, তাহা  
কখনই হইতে পারে না। আমার জন্ম পাপে  
ভরা, তাই আমি তাঁহার উপর এরূপ সন্দেহ  
করিতেছি। যে স্বামীর চরিত্রের উপর সন্দেহ  
করে, বা অবিশ্বাস করে সে স্ত্রীর ইহকালও  
নাই পরকালও নাই।



## পঞ্চম পরিচ্ছেদ

তারা বাই সোনাগাজির একজন প্রসিদ্ধ নর্তকী ও গায়িকা। আজ তাহার ঘরে গান বাজনার মহাধুম পড়িয়া গিয়াছে। মহাধুম ধামের সহিত নৃত্যগীত হইলেও, কোন নতন ধনবান লোকের সেই স্থানে সমাগম হয় নাই। কোন বড় লোকের ছেলে চঠাং কাপ্তান হইয়া এই সকল স্থানে যেরূপে অর্থাৎ নষ্ট করিয়া থাকে সেইরূপ কাহাকেও আজ ঐ স্থানে দৃষ্ট গোচর হইতেছে না। থাকিবার মতো কেবল বলাইচন্দ্র তার বাইর সম্মুখে একটা তাকিয়ায় টেস দিয়া বসিয়া তাহার নৃত্য দর্শন ও তাহার গীত এক মনে শবন করিতেছে।

যে সময় বলাইচন্দ্র সেই স্থানে বসিয়া আয়োদ আহ্লাদ করিতেছিল, সেই সময় রাবি একটা বাজিয়া গিয়াছিল। ও স্থানের অনন্থা দেখিয়া অনুমান হয়, সন্ধ্যার পর হইতে ঐ স্থানে ঐ রূপ আয়োদ প্রয়োদ চলিতেছিল। যাহাদিগের জন্ত এই আয়োদ প্রয়োদের অবতারণা তাঁহার রাবি বারটন পরই সেই স্থান হইতে প্রস্থান করিয়াছেন বলাইচন্দ্র আসিয়া তাঁহাদিগকে দেখিতে পায় নাই, এখন বলাইচন্দ্র একাই সেই স্থানে বসিয়া সেই নৃত্যগীতে যোগ দিয়াছে।

এইরূপে কিয়ৎকাল নৃত্যগীতে বলাইচন্দ্রকে সম্বৃত্ত করিয়া, তারা বাই নৃত্যগীত বন্ধ করিয়া,

বলাইচন্দ্রের সহিত হাসি ঠাটা ও বাক্যালাপ করিতে প্রবৃত্ত হইলেন।

বলাইচন্দ্র যে কে, তাহার একটু সংক্ষিপ্ত পরিচয় এই স্থানে পাঠকগণকে প্রদান করা কর্তব্য।

বলাইচন্দ্র রাজীবলোচনের এক জম প্রিয় খানসামা। কাপড় কোঁচাইতে, তেল মখাইতে, গা হাত পা টিপিতে বলাইচন্দ্র এক রূপ সিদ্ধ হস্ত। তাহার উপর রাজীবলোচন তাহাকে যখন যে কার্যা বলিয়া থাকেন তখনই সে তাহা সম্পন্ন করিয়া থাকে। কেবল এই কার্যা করিয়াই বলাইচন্দ্র দিন অতিবাহিত করেন। তাঁহার যে সকল মকেল বাড়ীতে আসে, বলাইচন্দ্র তাহাদিগকেও বিশেষরূপে যত্ন করিয়া থাকে, তৎবাতীত বলাইচন্দ্র রাজীবলোচনের সহিত হাইকোর্টেও গমন করে। সেই স্থানে তাঁহার উপস্থিত মত কার্যা করিয়া পুনরায় তাহার সহিত ফিরিয়া আসে। যে পর্য্যন্ত রাজীবলোচন শয়ন না করেন সে পর্য্যন্ত বলাইচন্দ্র তাঁহার সম্মুখ ছাড়া হয় না।

বলাইকে রাজীবলোচন ভাল বাসেন বলিয়া সে বেশ দুপয়সা রোজগার করে। নিয়মিত বেতন ও বর্ধিত প্রভৃতি ব্যতীত রাজীবলোচনের মকেলগণের নিকট হইতেও সে দশ টাক পাইয়া থাকে, এইরূপে বলাই যে সকল অর্থ উপার্জন করিয়া থাকে, তাহার সমস্তই সে ব্যয় করে তারা বাইর গৃহে।

রাজীবলোচন শয়ন করিবার পর তাঁহারই কাপড় প্রস্তুতি পরিয়া বলাইচন্দ্র বাহির হইয়া যায়, সমস্ত রাত্রি আমোদ আহ্লাদ করিয়া, রাজীবলোচন শয্যাভ্যাগ করিবার পূর্বেই সে ফিরিয়া আসে।

বলাইচন্দ্র যতই কেন উপার্জন করুক না সোনাগাজির একটা বাইজির খরচ চালান তাহার পক্ষে বিশেষ কষ্টকর। যে সকল স্থানে ধনবান লোক তাঁহার যথা সর্বস্ব খরচ করিয়াও দীর্ঘকাল স্থান পায় না, যে স্থানে রাজা মহারাজাগণও সময়ে তাড়িত হইয়া থাকেন, সেই স্থানে বলাই তাহার সমস্ত উপার্জিত অর্থ প্রদান করিলে কয় দিবস তাহাদিগের মন বন্ধা করিতে পারে? বলাই যখন দেখিল যে তাহার উপার্জিত অর্থ আর তারাকে সন্তুষ্ট করিতে পারে না তখন কাজেই তাহাকে অপর উপায় দেখিতে হইল। সুযোগ মতে মন্দিরের অর্থ চুরি করিতে আরম্ভ করিল। যে সকল দ্রব্য চুরি করিলে রাজীবলোচন সহজ জানিতে না পারেন, প্রথম প্রথম তাহারই উপর বলাইয়ের হাত পড়িল। পরিশেষে যতট টাকার আবশ্যক হইতে লাগিল, বলাইয়ের চুরি করিবার মতি গতি ততট বাড়িতে লাগিল।

যে ব্যাগ হইতে মুক্তাহার অপকৃত হইয়াছিল, সেই ব্যাগটা রাজীবলোচন সর্বদাই হাইকোটে নইয়া যাইতেন, সেই

স্থানের উপার্জিত অর্থাদি উহার ভিতর রাখিতেন ও বাসায় আসিয়া উহা হইতে সেই সমস্ত অর্থ বাহির করিয়া নইতেন। ঐ ব্যাগ হইতে দুই চারি টাকা বাহির করিয়া নইলে রাজীবলোচন তাহা জানিতে পারিতেন না। বলাই ঐ ব্যাগের একটা চাবি প্রস্তুত করিয়া রাখিয়া ছিল। সময় সময় সুযোগমতে ঐ ব্যাগ খুলিয়া সে অর্থাদি বাহির করিয়া নইত।

রাজীবলোচনের বাড়ী হইতে আসিবার পর যে রাত্রিতে ঐ ব্যাগ তাহার আফিস ঘরে রাখা ছিল সেই রাত্রিতে বলাই ঐ ব্যাগ খুলিয়া সেই মুক্তাহার বাহির করিয়া লয়, ও পুনরায় ব্যাগটিকে পূর্বের স্থানে চাবি বন্ধ করিয়া রাখে, সুতরাং পরদিনস রাজীবলোচন যখন ঐ হারের অনুসন্ধান করেন সেই সময় উহা আর পাওয়া যায় না।

যে রাত্রিতে তারা বাইর গৃহে আমোদ প্রমোদে বলাই উন্মত্ত ছিল সেই রাত্রিতে বলাই ঐ হার ছুড়াটা লইয়া তারাবাইর গৃহে গমন করে যখন সে সেই স্থানে গিয়া উপস্থিত হয়, তখন অপরূপ ব্যক্তিবাদ, বাহারা সেই স্থানে আমোদ আহ্লাদ করিতে গমন করিয়াছিল তাহারা সেই স্থান হইতে প্রস্থান করিয়াছিল, তারা বাইও তাহার মজলিস ভাঙ্গিবার উৎসাহ করিতেছিলেন। বলাই সেই স্থানে উপস্থিত হইয়া তাহার আনীত সেই মুক্তাহার তারাকে অর্পণ করিল দেখিয়া তারা বিশেষ সন্তুষ্ট হইলেন ও সেই



হার নিজের গলায় পরিয়া। পুনরায় নৃত্যগীত আরম্ভ করিয়া বলায়ের মনস্তৃষ্টি করিতে প্রবৃত্ত হইলেন ।

কিয়ৎকাল পরে নৃত্যগীত বন্ধ হইল, অল্প রাত্রে যেরূপ ভাবে বলাই সেই স্থানে অতি-বাহিত করিত আজ সে তাহা অপেক্ষা অধিক মনের সুখে রাত্রি অতিবাহিত করিল । তারা সমস্ত রাত্রি বিশেষ যত্নের সহিত তাহার মনস্তৃষ্টি করিল ।

তারার নিকট সেই দিন হইতে বলায়ের খাতির বাড়িল । তারা বৃষ্টিতে পারিল বলায়ের দ্বারা তাহার অনেক কার্য সাধিত হইবে । সুতরাং পূর্বের অপেক্ষা সে বিশেষ রূপে বলাইকে যত্ন করিতে লাগিল । এই রূপ ক্রমে দিন অতিবাহিত হইতে লাগিল ।

—\*—

## ষষ্ঠ পরিচ্ছেদ

যে গ্রামে রাজীবলোচনের বাসস্থান, তাহার নিকটবর্তী এক খানি গ্রামে চারুবালার মাতুল আশ্রম, তাঁহার মাতামহের অবস্থ। পূর্বে ভাল ছিল না কিন্তু তাঁহার মাতুলগণ কলিকাতায় কারবার করিয়া তাহাদিগের অবস্থার পরিবর্তন করিয়াছেন ভাল রূপ বাড়ী ঘর প্রস্তুত করিয়াছেন ও কীয়া-কর্ম উপলক্ষে খরচপত্র করিতে আরম্ভ করিয়াছেন ।

চারুবালার বড়মামার জ্যেষ্ঠপুত্রের বিবাহ উপলক্ষে তাঁহাদিগের বাড়ীতে খুব ধুমধাম পড়িয়া গিয়াছে, নৃত্য গীত গাহনা বাজনার বিশেষ রূপ বন্দোবস্ত হইয়াছে বলিয়া চারুবালার বড়মামা নিজে চারুবালাকে তাঁহাদিগের বাড়ীতে লইয়া যাইবার নিমিত্ত আগমন করিয়াছেন ।

রাজীবলোচন বাড়ীতে না থাকায় রাম গোবিন্দের মত লইয়া চারুবালার মাতুল তিন দিবসের নিমিত্ত চারুবালাকে তাঁহাদিগের বাড়ীতে লইয়া গেলেন । চারুবালার মনে বিশেষরূপ কষ্ট থাকিলেও নিজের মনের ভাব গোপন করিয়া লোক-লজ্জার ভয়ে সাজিয়া গুজিয়া একজন পরিচারিকাকে সঙ্গে লইয়া তাঁহার মাতুলের সহিত মাতুলালয়ে গমন করিলেন ।

যে দিবস তিনি সেই স্থানে গিয়া উপস্থিত হইলেন সেই দিবস নাচ গাওনা প্রভৃতি কিছুই হইল না কেবল লোকজন খাওয়ান ও আত্মীয় কুটুম্ব গণকে সমবেত করিতেই সে দিবস অতিবাহিত হইয়া গেল । পরদিবস হইতে নৃত্যগীত আরম্ভ হইবার উৎসাহ হইতে লাগিল । কলিকাতা হইতে তিন দল ভাল নর্তকী আসিবে, তাহারা তিন দিবস ঐ স্থানে অবস্থিতি করিয়া নৃত্য গীত করিবে । কোথায় তাহাদিগের বাসস্থান দেওয়া হইবে, কি রূপে তাহাদিগকে অভ্যর্থনা

করা হইবে, তাহা লইয়া পাড়ার যুবক-গণ ব্যস্ত হইয়া পড়িলেন।

পরদিবস এক এক করিয়া তিন জন নর্তকী দলবলের সহিত ক্রমে কালিকাতা হইতে ঐ গ্রামে আসিয়া উপস্থিত হইল। উহাদিগের তিন জনের মধ্যে পাঠকগণের পূর্ক পরিচিতা তারা বাইও একজন।

সন্ধ্যার পর হইতেই নর্তকীগণ আসরে নামিলেন। পর্যায়ক্রমে একে একে তিন জনেই নৃত্যগীত আরম্ভ করিলেন। অর্থাৎ প্রথমেই একজন উঠিয়া তাঁহার সাধ্যানুসারে শ্রোতীবর্গকে সন্তুষ্ট করিবার চেষ্টা করিতে লাগিলেন, এই রূপে কিছুক্ষন নৃত্যগীত করিয়া যখন তিনি ক্লান্ত হইয়া পড়িলেন তখন সেই স্থানে উপবেসন করিয়া বিশ্রাম করিতে লাগিলেন। অপর আর একজন নর্তকী গালোপান করিয়া দর্শক বৃন্দের মনস্তৃষ্টি করিতে প্রবৃত্ত হইলেন। এই রূপে তিনি যখন ক্লান্ত হইয়া পড়িলেন তখন তৃতীয় নর্তকী গালোপান করিলেন। তাহার পর পুনরায় প্রথম নর্তকী উঠিলেন, এইরূপে ক্রমে সমস্ত রাত্রি অতি-বাহিত হইয়া গেল।

যে স্থানে নর্তকীগণ নৃত্য করিতেছিলেন তাহার সন্নিকটে এক স্থানে চিক দিয়া ষিরিয়া স্ত্রীলোক গণের বসিবার স্থান প্রস্তুত হইয়াছিল। বাড়ার ও যত নিমগ্নিত

গৃহস্থ স্ত্রীলোকগণ সেই স্থানে বসিয়া নৃত্য-গীত দর্শন ও শ্রবণ করিতেছিলেন। বলা বাহুল্য যে চাক্কালাও সেই স্থানের একটু স্থান অধিকার করিয়াছিলেন।

পাঠকগণ বিশেষ রূপে অবগত আছেন যে কালিকাতায় নর্তকী ও গায়িকাগণ, নিজের কার্যে যতদূর পটু হউন বা না হউন, সাজ সজ্জার দিকে তাঁহারা বিশেষরূপে দৃষ্টি রাখিয়া থাকেন। ভাল ভাল কাপড়, ভাল ভাল পোষাক নহিলে কোন রূপেই চলে না, তাহার উপর অলঙ্কারে সর্ব শরীর ভূষিত করা চাই। তাহার স্বর্ণ অলঙ্কার নাই, গিল্টির গহনায় তাঁহারা তাঁহাদিগের শরীর ভূষিতা করিয়া থাকেন। সুতরাং যে সকল নর্তকীগণ সেই স্থানে নৃত্যগীত করিতে গমন করিয়াছিলেন তাঁহারা সকলেই পরিচ্ছদ ও অলঙ্কারে উৎকৃষ্ট মুসজ্জিত হইয়া গিয়াছিলেন। তারা বাইর কয়েক খানি সোনার অলঙ্কার ছিল, অবশিষ্ট গিল্টি করা অলঙ্কার দ্বারা সে তাহার শরীর ভূষিতা করিয়াছিল। বলাইচন্দ্র তাঁহাকে যে মুক্তার মালাছড়াটা প্রদান করিয়াছিল তাহাও পরিধান করিয়া তিনি সেই আসরে আসিয়া অবতীর্ণা হইয়া ছিলেন। ওরূপ মুক্তার মালা অপর নর্তকী দ্বয়ের ছিল না সুতরাং সেই দিকে তাঁহাদিগের দৃষ্টি আকর্ষিত হইয়াছিল। যে সকল স্ত্রীলোক সেই স্থানে নর্তকীদিগের নিকটবর্তী চিকের

অস্তুরালে বসিয়া নৃত্য দর্শন করিতেছিলেন তাঁহাদিগের দৃষ্টি ও ক্রমে তারা বাইর সেই মুক্ত-মালার উপর পতিত হইল ।

চারুবালার দৃষ্টি উহার উপর পতিত হইলে তিনি দেখিলেন ঐ মুক্তার হার তাঁহারই মুক্তা-হারের শ্রায়, তাঁহার যে হার রাজীবলোচন মেরামত করিয়া দিবার নিমিত্ত লইয়া গিয়াছিলেন, সেই হার ও তারা বাইর গলায় যে হার তুলিতেছিল, তাহা ঠিক এক প্রকারের ; ইহা দেখিয়া চারুবালা ঐ মুক্তাহার বিশেষ রূপে লক্ষ্য করিয়া দেখিতে লাগিলেন । যতই তিনি উহা দেখিতে লাগিলেন ততই তাঁহার মনে কেমন এক সন্দেহ আসিয়া উপস্থিত হইতে লাগিল । তাঁহার নৃত্যগীতের দিকে আর লক্ষ্য রহিল না, তাঁহার কেবল লক্ষ্য রহিল সেই হারের দিকে । বিশেষ লক্ষ্য করিয়া দেখিতে দেখিতে তিনি দেখিতে পাইলেন তাঁহার হারের খামির যে যে স্থান হইতে প্রস্তুত সকল খুলিয়া গিয়াছিল এ হারের খামিরও সেই সেই স্থানের প্রস্তুত নাই ।

এবার কলিকাতায় যাইবার পর রাজীবলোচন চারুবালার সহিত যেরূপ ব্যবহার করিয়াছিলেন তাহাতে সময় সময় তাঁহার মনে রাজীবলোচনের চরিত্র সম্বন্ধে অনেক কথা উদয় হইয়াছিল । কিন্তু সহজে তিনি সেই সকল কথা তাঁহার মনে স্থান দিতে পারিতেছিলেন না । আজ তারা ' বাইর

গলায় ঐ মুক্তা-হার দেখিয়া তাঁহার মনে স্পষ্টই প্রতিভী জন্মিল ঐ মুক্তাহার তাঁহার, সুতরাং সে বিষয়ে তাঁহার কিছুমাত্র সন্দেহ রহিল না । আরও তাঁহার মনে হইল, তিনি সময় সময় যে রূপ অনুমান করিতেছিলেন তাহার কিছুমাত্র মিথ্যা নহে । রাজীবলোচনের পরকাল এই তারার ধরে নষ্ট হইয়াছে । ইহারই জন্ত রাজীবলোচন মেরামতের ভান করিয়া তাঁহার হার লইয়া গিয়াছেন, ও ইহাকে প্রদান করিয়াছেন ; এই জন্তই হার সম্বন্ধে তিনি কোন কথা লিখেন নাই ।

চারুবালা আরও মনে করিলেন, তাঁহার স্বামী কুপথাবলম্বী হইয়াছেন—হউন, অপরকে ভাল বাসিয়াছেন—বাসুন, সৎ-প্রবৃত্তির পরিবর্তে হৃদয়ে কুপ্রবৃত্তি ধারণ করিয়াছেন—করুন, কিন্তু যে হার চারুবালার গলায় এক দিবসের জন্তও ঝুলিয়াছে, তাহা একজন সামান্ত বারবানিতার গলায় পরাইয়া দেওয়া তাঁহার কর্তব্য হয় নাই । তাঁহার অর্থের অভাব নাই । যদি এইরূপ এক ছড়া মুক্তা-হার তাঁহার মন প্রাণিনীর গলায় দেখিয়া শুধামুভব করেন, তাহা হইলে তাহাকে আর এক ছড়া ঐ রূপ মুক্তা-হার প্রস্তুত করিয়া দিলেই পারিতেন । যে হার একবার পতিপ্রাণা কুলবধুর গলায় উঠিয়াছে, সেই হার কোন বিবেচনার তিনি একজন . . . . . গলায়পরা

লেন ? সেই হারের মর্যাদা রক্ষা না করিয়া কেন তাহাকে পাপ পক্ষে নিমগ্ন করিলেন।

চারুবালার নৃত্যগীত আর ভাল লাগিল না। তিনি সেই নর্তকীগণের দিকে,—বিশেষ তারা বাইর দিকে আর চাহিতে পারিলেন না। উহাদিগের উপর তাঁহার কেমন এক রূপ রাগের সঞ্চার হইল। ভাবিলেন দেশের যত অনিষ্ট হইয়া থাকে, ভাল লোকের যত সর্বনাশ হইয়া থাকে, ইহারা তাহারই মূল। ইহারাই পতিপ্রাণা স্ত্রীর স্বামী বর্তমানেও তাঁহাকে বিধবা করিয়া তোলে। ইহারাই বৃদ্ধ পিতা মাতার স্নেহ, সুবকগণের মন হইতে অন্তর্ভুক্ত করিয়া দেয়। ইহারাই ধনবানের সম্ভান দিগকে পথের ভিখারি করিয়া তোলে। ধনবানের ধন ক্ষয় করিতে, জমীদারের জমীদারী নষ্ট করিতে, বিদ্যানের বুদ্ধি বিপর্যয় ঘটাইতে ইহারা যে রূপ পারদর্শী এক আদালত ছাড়া সে রূপ আর কেহ আছে কিনা সন্দেহ ?

সেই সময় চারুবালার মনের ভাব যে রূপ পরিবর্তিত হইয়া গিয়াছিল তাহাতে নৃত্যগীত আর তাঁহার ভাল লাগিল না। তিনি সেই স্থান হইতে গাত্রোখান করিয়া একটা প্রকোষ্ঠে গিয়া শয়ন করিলেন। ও রূপ সময়ে তাঁহার শয়নের কারন কেহ তাঁহাকে জিজ্ঞাসা করিলে, তাঁহাকে তিনি কহিলেন, হঠাৎ তাঁহার শরীর অসুস্থ বোধ

হওয়ায় তিনি শয়ন করিয়াছেন, একটু সুস্থ হইলেই পুনরায় তিনি নৃত্যগীতের স্থানে গমন করিবেন।

এইরূপ নিরাক্ষর গৃহে তিনি কিয়ৎক্ষণ অতিবাহিত করিলেন সত্য, কিন্তু তাঁহার হৃদয়ে যে অগ্নি জ্বলিতেছিল, তাহা কিছুতেই নিরূপিত হইল না, তিনি পুনরায় সেই নৃত্যগীতের স্থানে গমন করিলেন, পুনরায় ফিরিয়া আসিলেন। এইরূপে বৃশ্চিক দংশনের জ্বায় বসুনায়া অস্থির হইয়া, তিনি কোন রূপে সেই রাত্রি অতিবাহিত করিলেন।

—•—

## সপ্তম পরিচ্ছেদ

প্রায় ২০১৫ দিন হইল মুক্তাহার অপজত হইয়াছে, পুলিশ অনুসন্ধান করিয়া এপর্যন্ত তাহার কিছুই করিয়া উঠিতে পারেন নাই, এরূপ অবস্থায় রাজীবলোচন চারুবালাকে আর কতদিবস তিমিরাচ্ছন্ন করিয়া রাখিতে পারেন। তিনি মনে করিলেন যখন সেই হার আর পাওয়া পেল না তখন সেই রূপের আর এক ছড়া হার প্রস্তুত করিয়া চারুবালাকে দেওয়াই কর্তব্য। মনে মনে এই রূপ ভাবিয়া তিনি পূর্ব কথিত সেই কারিকরকে পুনরায় ডাকাইলেন। তিনি আসিলে তাহাকে

তাঁহার মনের ভাব ব্যক্ত করিলেন, ও তাহাকে সঙ্গে লাইয়া সেই রূপ মুক্তা প্রস্তরাদি খরিদ করিবার নিমিত্ত বড়বাজারে গমন করিলেন। সেই স্থানে যে সকল ব্যক্তি মুক্তা বিক্রয় করিয়া থাকে, তাহাদিগের প্রত্যেকের নিকট গমন করিয়া বাছিয়া বাছিয়া নানা স্থান হইতে তাঁহার আবশ্যক মত সেই প্রকারের মুক্তা ও প্রস্তর সংগ্রহ করিলেন। এই কার্য্য করিতে তাঁহাকে সমস্ত দিবস অতিবাহিত করিতে হইল।

কারিকর তিন দিবসের মধ্যে সেই রূপ খামি প্রভৃতি প্রস্তুত করিয়া ও ঐ সকল মুক্তাদ্বারা হার গাঁথিয়া প্রস্তুত করিল। চতুর্থ দিবসে ঐ মুক্তাহার আনিয়া রাজীবলোচনের হস্তে প্রদান করিল।

নতন হার ছড়াটা হস্তগত হইলে রাজীবলোচন চারুবালাকে এক পত্র লিখিলেন। ইহা দুই ছত্রের পত্র নহে, তিনি পূর্বে চারুবালাকে যে রূপ ভাবে পত্র লিখিতেন ইহা সেই প্রকারের পত্র। ঐ পত্রে অনেক কথা লেখার পর পরিশেষে লিখিলেন, ৮।১০ দিবসের মধ্যে আমার বাড়ী যাইবার নিতান্ত ইচ্ছা আছে; সেই সময় তোমার হার আমি সঙ্গে করিয়া লইয়া যাইব।

চারুবালা যখন এই পত্র প্রাপ্ত হইলেন, তখন তাঁহার মাতুলালয়ের কার্য্য শেষ হইয়া গিয়াছে, নর্ত্তকীগণ আপনাপন

স্থানে চলিয়া গিয়াছে। চারুবালাও তাঁহার শশুরালয়ে প্রত্যাগমন করিয়াছেন।

এ পর্য্যন্ত চারুবালা নিতান্ত মনের কষ্টে কাল আতিবাহিত করিতেছিলেন। রাজীবলোচনের এই পত্র খানি পাইয়া তিনি কিয়ৎপরিমাণে সুস্থ হইলেন, কিন্তু তাঁহার হারের কথা তিনি কিছুই বুঝিয়া উঠিতে পারিলেন না: একবার ভাবিলেন, যে হার রাজীবলোচন একবার তারাকে অর্পণ করিয়াছেন, সেই হার আবার তাঁহার নিকট আসিল কি প্রকারে? তবে কি সেই হার তিনি তাহাকে একেবারে প্রদান করেন নাই? কেবল ব্যবহার করিতে দিয়াছিলেন, ও তাহার নিকট হইতে উহা পুনরায় ফিরাইয়া লইয়াছেন? ইহা কখন সম্ভবপর নহে, বেষ্টারা যে অলঙ্কার একবার প্রাপ্ত হয় সেই অলঙ্কার তাহারা কখনই প্রত্যর্পন করে না। তবে যে হার তিনি তারার গলায় দেখিয়াছিলেন সেই হার কি তাঁহার নহে? সেই প্রকারের আর এক ছড়া হার পরিয়া কি তারা তাঁহার মাতুলালয়ে আগমন করিয়া ছিল? না, ইহা কখনই হইতে পারে না। ঐ হার যে চারুবালার সে সম্বন্ধে আর কিছুমাত্র সন্দেহ নাই। স্ত্রীলোকগণ তাহাদিগের নিজের গহনা যেমন চিনিতে পারে তেমন আর কেহই পারে না।

রাজীবলোচনের পত্র পাইবার পর

চারুবালার মনের ভাব অনেক পরিবর্তিত হইল, পরিশেষে মনে করিলেন, "আমি না বুঝিয়া আমার স্বামীর উপর নানারূপে সন্দেহ করিয়া কি মহাপাপ সঞ্চয় করিয়াছি ; এখন আমি বেশ বুঝিতে পারিতেছি যে আমি যাহা ভাবিয়াছিলাম তাহা কখনই হইতে পারে না, যাহার চরিত্রের সহিত অপর লোকের চরিত্রের তুলনা হয়না, তাঁহার চরিত্র এত অল্প সময়ের মধ্যে কখনই পরিবর্তিত হইতে পারেনা। এখন আমি বেশ বুঝিতে পারিয়াছি, যাহাকে তিনি আমার মুক্তাহার মেরামত করিতে দিয়াছিলেন তারা বাইর সহিত তাহারই বোধ হয় কোনরূপ সংস্রব আছে, তাহারই নিকট হইতে তারা বাই ঐ হার কোনরূপে গ্রহণ করিয়া আপনার গলদেশ সুসজ্জিত পূর্কক এখানে আসিয়াছিল। সেই সময় ঐ হারের কিছুমাত্র মেরামত হয় নাই, এখান হইতে প্রত্যাগমন করিবার পর বোধ হইতেছে সেই হার মেরামত হইয়াছে, বা হইতেছে, ঐ হার প্রাপ্ত হইলেই তিনি উহা লইয়া বাড়ীতে আসিবেন বলিয়া বোধ হইতেছে। যদি আমার এই শেষ অনুমানই সত্য হয় তাহা হইলে যে হার একবার বারবনিতার কর্ণে উঠিয়াছে, সেই হার আমি নিজ কর্ণে কখনই ধারণ করিতে পারিনা। সে যাহা হউক তিনি প্রত্যাগমন না করিলে, বা তাঁহার নিকট হইতে ইহার সমস্ত অবস্থা অবগত

হইতে না পারিলে আমি ইহার কিছুই বুঝিয়া উঠিতে পারিতেছি না। তিনি নীচই বাড়ী আসিবেন লিখিয়াছেন, তিনি আসিলেই তাঁহার সংক্ষিপ্ত পত্র লিখিবার কারণ অবগত হইতে পারিব ; তখন আমার পাপ মনের সমস্ত গোলযোগ মিটিয়া যাইবে। স্বামীর চরিত্রের উপর মিথ্যা সন্দেহ করিলে যে মহাপাপ হয় তাহার কোন রূপ প্রায়শ্চিত্ত আছে কি না এখন তাহাই দেখা যাউক।

চারুবালার মনে পরিশেষে এইরূপ চিন্তা আসিয়া উদয় হইল তাঁহার মনের যে যন্ত্রনায় তিনি অস্থির হইয়া পড়িয়াছিলেন, তাহার কিয়ৎ পরিমানে উপসম হইল, তিনি রাজীবলোচনের প্রত্যাগমনের প্রত্যাশায় আশা পথ চাহিয়া দিন যাপন করিতে লাগিলেন।

—\*—

## অষ্টম পরিচ্ছেদ

রাজীবলোচনের বাড়ী হইতে তাঁহার এক ছড়া মূল্যবান মুক্তাহার অপহৃত হইয়াছে, এ কথা জনৈক ডিটেক্টিভ কর্মচারী জানিতে পারিয়াছিলেন। স্থানীয় পুলিশ কর্মচারী এই অনুসন্ধান নিযুক্ত হইয়া যখন ইহার কোন রূপে সংবাদ প্রাপ্ত হইলেন না, সেই সময় এই হার চুরির গুপ্ত অনুসন্ধান করিবার নিমিত্ত জনৈক ডিটেক্টিভ কর্মচারী নিযুক্ত হইয়াছিলেন, সুতরাং তিনি উহার



সমস্ত অবস্থা অবগত হইতে পারিয়াছিলেন জনৈক ডিটেক্টিভ কর্মচারী যে ভিতর ভিতর ঐ হার চুরি মকদ্দামার অনুসন্ধান করিতেছিলেন তাহা রাজীবলোচন ও অবগত ছিলেন না ।

ডিটেক্টিভ কর্মচারী কি রূপে এই মকদ্দামার অনুসন্ধান করেন, বা কি রূপ উপায় অবলম্বনে তিনি ঐ হারের সংবাদ প্রাপ্ত হন, তাহা বর্ণন করিতে হইলে পাঠক গণের ধৈর্য্যচ্যুতি হইবার সম্ভাবনা সুতরাং তাহা পরিত্যাগ করিয়া কিরূপে তিনি অপহৃত হার পুনরুদ্ধার করিতে সমর্থ হইয়াছিলেন কেবল তাহাই এই স্থানে বিবৃত হইল ।

কয়েক দিবস অনুসন্ধানের পর ডিটেক্টিভ কর্মচারী সংবাদ পাইয়াছিলেন যে রাজীবলোচনের গৃহ হইতে যে রূপ মৃত্যুহার অপহৃত হইয়াছে, সেই রূপ একছড়া মৃত্যুহার তারা বাই আজ কয়েক দিবস হইতে প্রাপ্ত হইয়াছেন । এই সংবাদ পাইয়া কর্মচারী তারা বাইর সহিত সাক্ষাৎ করিবার মানসে তাহার বাড়ীতে গমন করেন, ও সেই স্থানে জানিতে পারেন যে তারা বাই বাড়ীতে নাই, নৃত্যগীত করিবার নিমিত্ত তিনি কোন পল্লিগ্রামে গমন করিয়াছেন কিন্তু কোন জিলায় বা কোন গ্রামে গিয়াছেন তাহা বাড়ীর কেহ অবগত নহে বা বাড়ীর কোন লোক ইচ্ছা করিয়া

তাহা বলিতেছে না, সুতরাং কর্মচারী সেই সময় তাহার সহিত সাক্ষাৎ করিতে সমর্থ হন না । কোন দিবস বা কোন সময় তিনি প্রত্যাগমন করিবেন তাহারই উপর তিনি বিশেষ রূপে লক্ষ্য রাখিয়া দিন অতিবাহিত করিতে লাগিলেন ।

সময় মত তারা বাই তাহার দলবলের সহিত প্রত্যাগমন করিয়া তাহার বাড়ীতে আসিয়া যেমন উপস্থিত হইলেন কর্মচারী ও অমনি সেই স্থানে আসিয়া উপস্থিত হইলেন, ও তারাকে কহিলেন আমি বিশেষ কোন কার্যের নিমিত্ত আপনার সহিত সাক্ষাৎ করিতে আসিয়াছি ।”

তারা । আমি আজ কয়েক দিবস হইতে বাহিরে ছিলাম, সবে এই মাত্র ফিরিয়া আসিতেছি, আপনি অল্প সময় আসিয়া আমার সহিত সাক্ষাৎ করিবেন ।

কর্মচারী । আমি যে কার্যের নিমিত্ত আপনার নিকট আগমন করিয়াছি অপর সময় আসিলে আমার সেই কার্য সিদ্ধ হইতে অনেক বিঘ্ন ঘটতে পারে, যাহা আমি জানিতে আসিয়াছি তাহা এখনই আমার জানিবার প্রয়োজন ।

এই বলিয়া কর্মচারী তারার নিকট আপন পরিচয় প্রদান করিলেন ।

কর্মচারীর পরিচয় পাইয়া তারা যেন একটু ভীত হইলেন, কিন্তু মনেরভাব গোপন করিয়া কহিলেন “আপনি যে ডিটেক্টিভ পুলিশ কর্মচারী তাহা আমি

আপনার কথায় কি রূপে বিশ্বাস করিতে পারি ?”

কর্ম। আমার কথার উপর নির্ভর করিয়া আপনি অনায়াসেই বিশ্বাস করিতে পারেন। আর যদি নিতান্তই বিশ্বাস না করেন তাহা হইলে যাহাতে আমার কথায় আপনার বিশ্বাস হয় আমি তাহার উপায় করিতেছি।

এই বলিয়া কর্মচারী আপন পকেট হইতে একটি হুইসিন্ বা ছোট বাশি বাহির করিয়া এক রূপ শব্দ করিলেন : দেখিতে দেখিতে একজন প্রহরী সেই বাড়ীর ভিতর প্রবেশ করিল। যে সময় ডিটেক্টিভ কর্মচারী তারার বাড়ীর ভিতর প্রবেশ করেন সেই সময় হইতেই আদেশের প্রত্যাশায় সেই পুলিশ প্রহরী তারার বাড়ীর বাহিরে অপেক্ষা করিতেছিল, বংশীধ্বনী শুনিয়া সে সেই কর্মচারীর নিকট আসিয়া উপস্থিত হইল।

সেই প্রহরী সেই স্থানে আসিয়া উপস্থিত হইলে কর্মচারী তারাকে কহিলেন “আমার পরিচয় সম্বন্ধে যদি তোমার সন্দেহ না মিটিয়া থাকে তাহা হইলে তুমি ইহাকে জিজ্ঞাসা করিতে পার আমি কে ?”

তার। আপনি কে তাহা জানিতে পারিহাও যদি আমি এখন আপনার কথার উত্তর দিতে ইচ্ছা না করি ও অপর সময় আপনাকে আসিতে বলি তাহা হইলে কি হইতে পারে ?

কর্ম। কি হইতে পারে তাহা আমি জানি না, যদি সে রূপ অবস্থা হয় তখন যে রূপ হইতে পারে তাহা দেখা যাইবে। আমি দুই একটি কথা জিজ্ঞাসা করিতে আসিয়াছি মাত্র আমাকে তাহার উত্তর প্রদান করিলেই আমি এই স্থান হইতে চলিয়া যাইতে পারি, তুমিও অনায়াসে বিশ্বাস করিতে পার।

তার। আমাকে আপনি কি জিজ্ঞাসা করিতে চাহেন ?

কর্ম। আপনার নিকট এক ছড়া মুক্তার হার আছে ?

তার। কাহার মুক্তার হার ?

কর্ম। যাহারই হউক আপনার নিকট কোন মুক্তার হার আছে কি না ?

তার। না।

কর্ম। আপনি বিশেষ বিবেচনা করিয়া আমার কথার উত্তর প্রদান করিবেন। আপনি মনে রাখিবেন আমি কেবল আপনার কথার উপর নির্ভর করিয়া এই স্থান হইতে প্রস্থান করিব না। যদি আমি আপনার কথায় বিশ্বাস না করি বা যদি আমার মনে কোনরূপ সন্দেহের উদয় হয় তাহা হইলে জানিবেন যে এখনই আমি আপনার ঘর খানাতল্লাসি করিয়া দেখিব যে আপনার ঘরে কোন মুক্তার হার আছে কি না ? আমি আপনাকে পুনরায় সতর্ক করিয়া দিতেছি



যে আপনি আমার কথার প্রকৃত উত্তর প্রদান করুন ।

তারা । আমার নিকট কোন মুক্তার হার নাই ।

কর্ম্ম । আমি প্রথমেই আপনার গহনার বাস্তু দেখিব, যদি তাহার ভিতর কোন মুক্তার হার দেখিতে পাই তাহা হইলে আমি আপনাকে ধৃত করিয়া লইয়া যাইব আপনি বিশেষ রূপ বিপদ গ্রস্ত হইবেন, ইহা যেন আপনার মনে থাকে ?

তারা । আমার বাস্তু মুক্তার হার নাই তবে একছড়া মুক্তার মালা আছে ?

কর্ম্ম । মুক্তার হারই হউক বা মুক্তার মালাই হউক, যাহা আপনার নিকট আছে তাহা আনিয়া আমাকে দেখান । মুক্তার হার ও মুক্তার মালায় যে কি প্রভেদ তাহাতে আমি অবগত নহি ।

কর্ম্মচারীর কথা শুনিয়া তারা তাহার ঘরের ভিতর প্রবেশ করিল ও ক্ষুদ্র মতির এক ছড়া একনর মালা বাহির করিয়া আনিয়া কর্ম্মচারীর হস্তে অর্পণ করিল । কর্ম্মচারী দেখিলেন তিনি যে হারের অনুসন্ধান করিতেছেন ও যে হারের সংবাদ ইতিপূর্বে তিনি প্রাপ্ত হইয়াছেন ইহা সে হার নহে, অপর আর একছড়া মালা । কর্ম্মচারী মালা ছড়াটা হাতে লইয়া তারার ঘরের ভিতর প্রবেশ করিলেন তারাও তাঁহার পশ্চাৎ পশ্চাৎ সেই ঘরের ভিতর গমন করিলেন ।

জিজ্ঞাসা করিলেন এই মালাছড়াটা কোন বাস্তুে ছিল ।

তারা একটা বাস্তু দেখাইয়া দিয়া কহিল "মালা এই বাস্তুের মধ্যে আমি রাখিয়া দিয়াছিলাম এখন ইহা হইতে বাহির করিয়া আপনাকে দিয়াছি ।"

কর্ম্মচারী ঐ বাস্তুটা খুলিলেন ও দেখিলেন ঐ বাস্তুের ভিতর অপর কোন দ্রব্যই নাই । ইহা দেখিয়া তিনি তারাকে জিজ্ঞাসা করিলেন আপনার অপর গহনা গুলি কোথায় ?

তারা । কোন গহনা ?

কর্ম্ম । তোমার নিজের গহনা ।

তারা । আমার বিশেষ গহনা পত্র নাই ?

কর্ম্ম । যাহা আছে তাহা কোথায় ?

যে সকল গহনা লইয়া তুমি বাহিরে গিয়াছিলে তাহা কোথায় ?

কর্ম্মচারীর কথা শুনিয়া তারা কোন উত্তর করিল না চুপ করিয়া কি ভাবিতে লাগিল ?

পোষাক পরিচ্ছদ প্রভৃতি যে সকল দ্রব্যাদি লইয়া তারা বাহিরে গিয়াছিল সেই সকল দ্রব্য ঐ ঘরের এক প্রান্তে রাখাছিল উহাদিগের যথাযথ স্থানে ঐ সকল দ্রব্য রাখিবার সুযোগ সে পর্য্যন্ত ঘটিয়াছিল না । কর্ম্মচারী সেই স্থানে গমন করিয়া দেখিলেন একটি ছোট ষ্টিলের বাস্তু র হিয়াছে । উহা তাহাকে দেখাইয়া দিয়া কর্ম্মচারী কহিলেন "ইহার ভিতর কি আছে ?"

তারা। যে সকল গহনা সংগ্রহ করিয়া লইয়া আমি বাহিরে গিয়াছিলাম সেই সকল অলঙ্কার ইহার মধ্যে আছে।

কর্মচারী ঐ বাস্তু খুলিবার নিমিত্ত তারাকে কহিলেন, তারা তাহার বিশেষ রূপ অনিচ্ছা সত্ত্বে ঐ বাস্তু খুলিলে কর্মচারী যে মুক্তামালার অনুসন্ধান করিতেছিলেন তাহা তাহার মধ্যে দেখিতে পাইলেন।

ঐ মালাছড়াটা হাতে লইয়া কর্মচারী তাহাকে কহিলেন “তুমি যে বলিতেছিলে তোমার মুক্তাহার নাই। এই মুক্তাহার তোমার বাক্সের ভিতর কোথা হইতে আসিল?”

কর্মচারীর কথায় তারা কোন রূপ উত্তর প্রদান না করিয়া সেই স্থানে চূপ করিয়া দাঁড়াইয়া রহিল।

কর্মচারী দেখিলেন উহাকে এখন আর কোন কথা জিজ্ঞাসা করা অনাবশ্যক।

মনে মনে এই রূপ ভাবিয়া তিনি তারাকে ধৃত করিয়া সেই মুক্তাহার সহিত সেই স্থান হইতে প্রস্থান করিলেন ও যে থানা হইতে ঐ মুক্তাহার চুরির অনুসন্ধান হইতেছিল সেই থানায় গিয়া উপস্থিত হইলেন।

থানার ভার প্রাপ্ত কর্মচারী ঐ মুক্তাহার দেখিয়াই বুঝিতে পারিলেন, ঐ হার রাজীব-লোচনের; তথাপি সন্দেহ দূর করিবার মানসে তিনি ঐ হার লইয়া রাজীবলোচনের বাড়ীতে গিয়া উপস্থিত হইলেন। সেই সময় রাজীব-

লোচন হাইকোর্টে গমন করিবার নিমিত্ত প্রস্তুত হইতে ছিলেন। তিনি ঐ মুক্তাহার দেখিয়াই চিন্তে পারিলেন ও কহিলেন এই হারই তাঁহার ব্যাগ হইতে আপহৃত হইয়াছিল।

তারা থানায় আসিয়াই সমস্ত কথা স্বীকার করিয়াছিল ও কহিয়াছিল বলাইচন্দ্র তাহাকে ঐ হার প্রদান করিয়াছে।

যে সময় রাজীবলোচন তাঁহার হার দেখিতে ছিলেন সেই সময় বলাইও সেই স্থানে উপস্থিত ছিল, ঐ হার দেখিয়াই বলাই সেই স্থান হইতে প্রস্থান করিবার উৎযোগ করিতে ছিল। দারোগা বাবু প্রথম অনুসন্ধানের সময় হইতে তাহাকে চিনিতেন এবং থানায় তারার নিকট বলাইর নামও শুনিয়া ছিলেন, সুতরাং আর বলাইকে সেই স্থান হইতে প্রস্থান করিতে হইল না, দারোগাবাবু কর্তৃক সে সেই স্থানেই ধৃত হইল। রাজীবলোচন তাঁহার সেই প্রিয় ভৃত্যের কথা শুনিয়া নিতান্ত বিস্মিত হইলেন। তখন জানিতে পারিলেন যাহাকে তিনি যথা সর্বদা দিয়া বিশ্বাস করিতেন, যাহাকে তিনি অতিশয় ভাল বাসিতেন, যাহাতে সে তাঁহার মক্কেল দিগের নিকট হইতে দুই টাকা উপার্জন করিতে পারে তাহার দিকে সর্বদা দৃষ্টি রাখিতেন, সেই বলাইর দ্বারা এই কার্য হইয়াছে শুনিয়া তিনি অতিশয় দুঃখিত হইলেন ও ভাবিলেন আজ কাল সময়ের গতিকে কি

হইয়া দাঁড়াইল ? যাহাকে বিশ্বাস করা যায় সেই অবিশ্বাসের কার্য্য করে !

রাজীবলোচন বলাইর ব্যবহারে যেমন দুঃখিত হইলেন তাহার উপর সেইরূপ কুপিতও হইলেন ও দারোগা বাবুকে কহিলেন ইহাকে কোন রূপেই অব্যাহতি দিবেন না যাহাতে এ দীর্ঘকাল কারাগারে বাস করে তাহার উত্তম রূপ ব্যবস্থা করিবেন ।

এই মকদ্দামায় বলাইচন্দ্র বা তারাবাই প্রভৃতি কেহই নিষ্কৃতি পাইল না । বলাই চুরি করা অপরাধে এবং তারা চোরা মাল জানিয়া ঐ হার গ্রহণ করা অপরাধে অভিযুক্ত হইল । রাজীবলোচন প্রথমতঃ বলাইর উপর অতিশয় অসন্তুষ্ট হইয়াছিলেন কিন্তু মকদ্দামার সময় যাহাতে সে অব্যাহতি পায় তাহার নিমিত্ত বিশেষ রূপ চেষ্টা করিলেন । তারার বন্ধু বান্ধব অনেক গুলি ছিল, এবং তাহার কিছু অর্থও ছিল সুতরাং তারাকেও বাঁচাইবার জন্ত অনেক চেষ্টা হইল, কিন্তু উভয়ের কেহই একেবারে নিষ্কৃতি লাভ করিতে পারিল না ; তবে যে পারিমাণে উহা দিগের দণ্ড হওয়া উচিত ছিল তাহা অপেক্ষা অনেক কম দণ্ডে উহারা দণ্ডিত হইল । বলাই চন্দ্র ছয় মাসের জন্ত এবং তারা বাই তিন মাসের জন্ত কারাগারে গমন করিল । রাজীবলোচন আপনার হার প্রাপ্ত হইলেন ও দুই দিবসের মধ্যে সেই হার মেরামত করিয়া লইলেন । যে সকল প্রস্তুত উহার খামির যে যে

স্থান হইতে খসিয়া পড়িয়াছিল, সেই কারিকর সেই সকল প্রস্তুত সেই সেই স্থানে বাসাইয়া দিল ও আবশ্যক অনুযায়ী আরও যে সকল কার্য্য করিতে হইল তাহাও করিয়া ঐ হার এক রূপ নূতন করিয়া দিল । পূর্বে যে হার রাজীবলোচন প্রস্তুত করাইয়াছিলেন তাহাও তাঁহার নিকট রহিল ।

—:—

## নবম পরিচ্ছেদ

মুক্তাহার মেরামত হইয়া আসিবার দুই দিবস পরে রাজীবলোচন তাঁহার দেশে গমন করিলেন । পূর্বে তিনি মনে করিয়াছিলেন বাড়ী যাইবার সময় দুই ছড়া হারই তিনি সঙ্গে করিয়া লইয়া যাইবেন ও দুইছড়া হারই তিনি চাকরবালাকে প্রদান করিবেন । কার্য্যে কিন্তু তাহা সেই সময় ঘটিয়া উঠিল না, কলিকাতা হইতে গমন করিবার কালীন নূতন প্রস্তুত হার ছড়াটা সঙ্গে করিয়া লইয়া যাইতে রাজীবলোচন ভুলিয়া গেলেন । প্রস্তুত হইবার পর তিনি উহা যে বাক্সের ভিতর রাখিয়া দিয়াছিলেন, তাহার ভিতরই উহা রহিয়া গিয়াছিল ।

রাজীবলোচন যে সময় বাড়ীতে গিয়া উপস্থিত হইলেন সেই সময় রাত্রি দশটা বাজিয়া গিয়াছিল । তিনি বাড়ীতে আসিবেন এই সংবাদ রামগোবিন্দ পূর্বেই প্রাপ্ত

হইয়াছিলেন, সুতরাং তাঁহার আহারীয় সমস্তই প্রস্তুত ছিল। তিনি গৃহে উপনীত হইয়া নিয়মিত রূপ পিতামাতার সহিত সাক্ষাৎ করিলেন, চাকুবালাকেও একটু দূর হইতে দেখিতে পাইলেন, কিন্তু সে সময় তাঁহার পিতামাতা সেই স্থানে উপস্থিত ছিলেন বলিয়া তাঁহাদিগের সম্মুখে চাকুবালার সহিত কোন কথা হইল না। আহারাদি সমাপন করিয়া তিনি আপন শয়ন ঘরে গমন করিলেন।

যে সময় রাজীবলোচন শয়ন করিতে গমন করিলেন সেই সময় চাকুবালা সেই ঘরে উপস্থিত ছিলেন না। রাজীবলোচনের আহার করিবার পর তিনি আহার করিতে বসিয়াছিলেন, সুতরাং আহার করিয়া তাঁহার গমন করিতে একটু বিলম্ব হইল।

রাজীবলোচন যে ব্যাগটা লইয়া বাড়াতে গিয়াছিলেন, তাহা পূর্বেই তিনি তাঁহার শয়ন ঘরে পাঠাইয়া দিয়াছিলেন, ঐ ব্যাগের ভিতর চাকুবালার সেট মেরামত করা মুক্তাহার রক্ষিত ছিল। সেই ঘরে গমন করিয়া রাজীবলোচন সেট মুক্তাহার ছড়াটা বাহির করিয়া আপনার বিছানার উপর রাখিয়া, চাকুবালার প্রতীক্ষা করিতে লাগিলেন।

প্রায় অর্ধঘণ্টা পরে চাকুবালা সেই ঘরে আসিয়া উপস্থিত হইলেন। চাকুবালা তাঁহার বিছানার নিকট গমন করিবার মাত্র রাজীবলোচন ঐ মুক্তাহার ছড়াটা চাকুবালার গলায়

পরাইয়া দিলেন। যে সময় রাজীবলোচন ঐ মুক্তাহার তাঁহার গলায় পরাইয়া দিয়াছিলেন সেই সময় চাকুবালা একটু অশ্রমনক ছিলেন বলিয়া রাজীবলোচন ঐ হার তাঁহার গলায় পরাইতে সমর্থ হইলেন।

গলদেশে সেই মুক্তাহার লম্বিত হইবার মাত্রই চাকুবালার চমক ভাঙ্গিল। তিনি ক্ষিপ্ৰ-হস্তে ঐ হার আপন গলা হইতে খুলিয়া দূরে নিক্ষেপ করিলেন। সেই সময় একটা মার্জ্জার সেই ঘরের ভিতর হইতে বহির্গত হইয়া যাইতে ছিল, ঐ প্রক্ষিপ্ত হার গিয়া সেই মার্জ্জারের মস্তকের উপর পড়িল, মার্জ্জারও দ্রুতবেগে পলায়ন করিল। হার ছড়াটা কিছুক্ষণ সেই মার্জ্জারের মস্তকে ঝুলিয়া সেই ঘরের ভিতর দরজার নিকট পড়িয়া গেল। মার্জ্জারও ঘরের বাহির হইয়া গেল।

চাকুবালার এইরূপ ব্যবহারে রাজীবলোচন অতিশয় বিস্মিত হইলেন, কারণ তাঁহার সহিত এরূপ ব্যবহার করিতে তিনি ইতিপূর্বে চাকুবালাকে আর কখন দেখেন নাই। মনে ভাবিলেন, হার মেরামত করিয়া আনিতে বিলম্ব হইয়াছে বলিয়া চাকুবালার রাগ হইয়াছে; তাই তিনি রাগ ভরে ঐ হার দূরে নিক্ষেপ করিলেন।

মনে মনে এইরূপ ভাবিয়া রাজীবলোচন চাকুবালাকে কহিলেন “তোমার হার মেরামত করিয়া আনিতে বিলম্ব হইয়াছে বলিয়া, তুমি রাগ করিয়াছ না কি ?”

চারু । রাগতো হইয়াছেই, তুমি কোন্ বিবেচনার ঐ হার আমার গলায় পরাইয়া দিলে ?

রাজী । কেন ! তোমার হার, তোমার গলায় পরাইয়া দিয়াছি, তাহাতে আমার বিবেচনার কি জটা হইল ?

চারু । ঐ হার যখন আমার ছিল তখন ছিল, এখন উহা আমার নহে ।

রাজী । তবে কাহার ?

চারু । কাহার তাহা তুমি বেশ জান, আমাকে জিজ্ঞাসা করিতেছ কেন ?

রাজী । আমি তোমার কথা কিছুমাত্র বুঝিয়া উঠিতে পারিতেছি না ।

চারু । বেশ বুঝিতে পারিতেছ, আমার এই সামান্য কথা যদি তুমি বুঝিতে না পার তাহা হইলে আইনের কুট তর্ক কিরূপে বুঝিতে সমর্থ হও ?

রাজী । সে যাহা হউক ঐ হার ছড়াটা একবার পরিধান কর, দেখি মেরামত হইয়া উহা এখন তোমার গলার কি রূপ শোভা বর্দ্ধন করে ?

চারু । তুমি কি আমাকে এতই নীচ প্রকৃতির স্ত্রীলোক মনে কর যে ঐ হার আমি পুনরায় আমার গলায় পরিব ! কোন সাহসে ঐ হার আমার গলায় পরিতে তুমি আমাকে অনুরোধ করিতেছ ? আমি গৃহস্থের কণ্ঠা ও ধার্মিকের কুলবধু নহিকি ? আমি কি নিশ্চল হৃদয়ে স্বামীসেবা করিতে কখন কি

ক্রটি করিয়াছি যে তুমি আমাকে ঐ হার পরিধান করিতে বল ? তোমরা পুরুষ মানুষ, তোমরা যাহা কর তাহাই শোভা পায় । বিশেষ তুমি ধনবান, বুদ্ধিমান, ও পর-প্রতিপালক, তুমি একটা অশ্রায় কার্য করিলেও তোমার মনে তাহা উদয় হয় না, সেই সময় তুমি বুঝিতে পার না যে, তুমি কি অশ্রায় কার্য করিতেছ ? কোন্ বিবেচনার উপর নির্ভর করিয়া তুমি ঐ হার আমার গলায় পরাইয়া দিলে ?

রাজী । কেন, ও হারের কি হইয়াছে তোমারই হার তোমারই গলায় পরাইয়া দিয়াছি ইহাতে আমার কি অপরাধ হইল ?

চারু । যখন এ হার আমার ছিল তখন কেবল আমারই গলায় উঠিত ।

রাজী । এখন এ হার কাহার ?

চারু । যাহার গলায় উঠিয়াছিল ।

রাজী । কাহার গলায় উঠিয়াছিল ?

চারু । বারবনিতার গলায় উঠিয়াছিল—বাইজীর গলায় উঠিয়াছিল—তারাবাইর গলায় উঠিয়াছিল ।

রাজী । এ কথা তোমাকে কে বলিল !

চারু । কে আর বলিবে, আমি নিজ চক্ষে দেখিয়াছি । তোমার স্বশুর বাড়ীতে সে নাচিতে গাহিতে আসিয়াছিল, সেই স্থানে আমি উহা তাহার গলায় দেখিয়াছি । যাহা একবার বারবনিতার গলায় উঠিয়াছে, তাহা পতিপ্রাণা সাদ্ধী স্ত্রীলোকের গলায় কিছুতেই

স্থান পাইতে পারে না, যাহা একবার অপবিত্র হইয়াছে তাহা স্পর্শ করিলেও মহাপাপ। সে যাহা হউক তারা বাইর উপর তুমি কত দিবস হইতে সদয় হইয়াছ ? যদি তাহার উপর তোমার এতই অনুগ্রহ হইয়া থাকে, তাহা হইলে তাহাকে ঐ রূপ আর একছড়া মুক্তাহার প্রস্তুত করিয়া দিলেই পারিতে।

চারুবালার কথা শুনিয়া রাজীবলোচন বুদ্ধিতে পারিলেন যে, চারুবালা তাঁহার চরিত্রের উপর সন্দেহ করিয়াছেন, চারুবালা ভাবিয়াছেন যে তিনি তারাবাইর গৃহে যাতায়াত করিয়া থাকেন, ও তাঁহারই মুক্তাহার তিনি তারাবাইকে পরিধান করিতে দিয়াছিলেন।

মনে মনে এইরূপ ভাবিয়া তিনি চারুবালাকে কহিলেন “তুমি আমার চরিত্রের উপর যে সন্দেহ করিয়াছ তাহা সম্পূর্ণ অমূলক। কিন্তু এই হার যে তারাবাই পরিয়াছে সে বিষয়ে আর কিছু মাত্র সন্দেহ নাই।” এই বলিয়া ঐ হার যেরূপে তাঁহার ব্যাগ হইতে চুরি হইয়াছিল, যেরূপে ঐ হার তারাবাইর নিকট পাওয়া যায়। যেরূপে তাঁহার ভৃত্য বলাই ঐ হার অপহরণ করিয়া তারাকে দিয়াছিল তাহার সমস্ত একে একে তিনি চারুবালাকে কহিলেন, ও আরও কহিলেন, “তোমার নিকট হইতে ঐ হার মেরামত করিতে লইয়া যাইবার পর উহা চুরি হইয়া গেল তখন

সেই সংবাদ তোমাকে প্রদান করিতে আমার ইচ্ছা হইল না, ভাবিলাম যদি ঐ হার আর পাওয়া না যায় তাহা হইলে ঐ রূপ আর একছড়া হার প্রস্তুত করিয়া অগ্রে তাহা তোমাকে প্রদান করিব ও পরিশেষে তোমার হার চুরির অবস্থা তোমাকে বলিব। এই নিমিত্ত তোমাকে ভাল করিয়া আমি পত্র পর্য্যন্ত লিখি নাই, কারণ বিস্তারিত পত্র লিখিতে হইলে, তাহাতে যদি তোমার হারের কোন কথা উল্লেখ না করি, তাহা হইলে তোমার মনে নানা কথা উদ্ভিত হইতে পারে। এই ভাবিয়া তোমাকে যতদূর সম্ভব সংক্ষেপে পত্র লিখিতাম। যখন দেখিলাম তোমার হার আর কোন রূপেই পাওয়া গেল না, তখন আমি ঐ রূপ মুক্তা ও প্রস্তর সংগ্রহ করিয়া ঐ রূপ আর একছড়া হার প্রস্তুত করাইলাম। ঐ নূতন হার প্রস্তুত হইলে তোমাকে পত্র লিখিলাম, ‘তোমার হার লইয়া আমি শীঘ্রই বাড়ী যাইতেছি।’ তাহার পর তোমার হার পাওয়া গেল, বলাই ও তারা ধৃত হইয়া কারারুদ্ধ হইল। আমি মনে করিয়াছিলাম বাড়ীতে আসিবার কালীন তোমার সেই নূতন হারও সন্দেহ করিয়া লইয়া আসিব কিন্তু তাড়াতাড়ি আসিবার কালীন উহা ভুলিয়া আসিয়াছি বলিয়া তোমাকে দেখাইতে পারিলাম না।”

রাজীবলোচনের নিকট সমস্ত অবস্থা শুনিয়া চারুবালার মনের সমস্ত গোলমাল মিটিয়া গেল। তিনি যে না বুদ্ধিতে পারিয়া



তাঁহার স্বামীর চরিত্রের উপর নানা রূপ মিথ্যা সন্দেহ করিয়াছিলেন তাহার জ্ঞান বিশেষ রূপে অনুশোচনা করিলেন ও কি রূপ প্রায়শ্চিত্ত করিলে তিনি সেই মহাপাপ হইতে উদ্ধার হইতে পারেন ও কি রূপ উপায়ে বেষ্ঠা-ব্যবহৃত অলঙ্কার-স্পর্শনের পাপ হইতে মুক্তি লাভ করিতে সমর্থ হন তাহার ব্যবস্থা দেখিতে লাগিলেন । এসম্বন্ধে ভট্টাচার্য্য-পণ্ডিত দিগের মত সংগৃহীত হইল ; কেহ কেহ কহিলেন একটা প্রায়শ্চিত্ত করিয়া পারিশেষে একটা হোম করা হউক, ঐ হোমের অগ্নিতে মুক্তাগুলি পোড়াইয়া পরিশেষে মন্ত্রপূত গঙ্গাজলে শোধিত করিয়া লইলেই উহা পুনরায় ব্যবহৃত হইতে পারে । কেহ কহিলেন অগ্নিতে মুক্তা নিক্ষিপ্ত হইলে উহা পুড়িয়া যাইতে পারে বা উহাতে পোড়া দাগ হইয়া ঐ মুক্তা নষ্ট হইয়া যাইতে পারে আমার বিবেচনায় একটি প্রায়শ্চিত্ত করিয়া গঙ্গাব্যে এই মুক্তাহার শত বার ধৌত করিয়া লইলেই বোধ হয় যথেষ্ট হইবে ।

কেহ কহিলেন ঐ মুক্তা হার গঙ্গাদেবীকে প্রদান করা হউক । কেহ কহিলেন এবংসর যে রাত্রিতে সাবিত্রীর ব্রত করা হইয়াছিল সেই রাত্রিতে বিশেষ সুবিধা না হওয়ায় তাহার পরদিবস ব্রাহ্মণাদি ভোজন করান হয়, আগামী বৎসর ব্রতের রাত্রিতেই ব্রাহ্মণ ভোজনের ব্যবস্থা করিয়া, তাঁহাদিগের দক্ষিণা স্বরূপ ঐ মুক্তা সকল ভাগ করিয়া দান

করিলেই সমস্ত পাপ বিমোচিত হইবে । কেহ কহিলেন এসকল কার্য্যে অতবিলম্ব হওয়া কল্পব্য নহে, স্তম্ভকার্য্য যত শীঘ্র সম্পন্ন হয় ততই মঙ্গল । এখন শাস্ত্র অনুযায়ী একটা প্রায়শ্চিত্ত করা হউক এবং যে সকল ব্রাহ্মণ নিমন্ত্রিত হইবেন তাঁহাদিগের দক্ষিণা স্বরূপ ঐ সকল মুক্তা প্রদান করা হউক ।

এই শেষোক্ত ব্যবস্থাই ব্রাহ্মণ মণ্ডলী এক বাক্যে অনুমোদন করিলেন কিন্তু রাজীব-লোচন কহিলেন বেষ্ঠা অঙ্গে স্থান পাইয়াছে বলিয়া যখন চাকুবালা উহা স্পর্শ করিতে অসম্মতা তখন ঐ মুক্তা যাহারা প্রাপ্ত হইবেন তাঁহাদিগের ব্রাহ্মণীগণ উহা কি রূপে স্পর্শ করিবেন ?

উত্তরে জনৈক বৃদ্ধ ব্রাহ্মণ-পণ্ডিত কহিলেন, গঙ্গাজলে বিধৌত ও মন্ত্রপূত হইয়া ব্রাহ্মণকে প্রদত্ত হইবার পর আর উহাতে কোন দোষ থাকিবে না তখন উহা অনায়াসেই স্পর্শিত হইতে পারিবে ; সুতরাং তখন কেহ উহা স্পর্শ করিলে তাহার কোন রূপ পাপ হইবার সম্ভাবনা নাই ।

রাজীবলোচন এই কথায় সন্তুষ্ট হইলেন না । মনে মনে ভাবিলেন আজ কাল ব্রাহ্মণ পণ্ডিতগণ অর্থ লোভে বা যে স্থানে কিছু অর্থ পাইবার সম্ভাবনা আছে সেই স্থানে তাঁহারা তাঁহাদিগের ইচ্ছামত ব্যবস্থা দিতে কিছুমাত্র সঙ্কুচিত হন না । যাহা হউক যখন সকলেরই পরিশেষে এক মত হইল ও যখন

চারুবালা ঐ মুক্তাহার স্পর্শ করিতে অসম্মতা  
তখন ব্রাহ্মণ মণ্ডলীকেই উহা দান করা কর্তব্য,  
ভাবিয়া তিনি আর কোন কথা কহিলেন না।

পরিশেষে এই ব্যবস্থাই সাব্যস্ত হইল,  
বাগযোগ্য করিয়া মহাধূমে প্রায়শ্চিত্ত  
আরম্ভ হইল। দশ সহস্র মূল্যের মুক্তাহার  
ছিন্ন করিয়া উহাতে যত গুলি মুক্তা ছিল  
জত গুলি ব্রাহ্মণকে উহা ভোজন-দাক্ষিণ্য  
রূপে প্রদত্ত হইল। নূনকমে কেহই কুড়ি  
টাকার কম প্রাপ্ত হইলেন না। সকলে পরি-

তোষের সহিত আহার করিয়া ও মুক্তা দাক্ষিণ্য  
লইয়া, রাজীবলোচনও চারুবালাকে আনীর্কাদ  
করিতে করিতে সেই স্থান হইতে প্রস্থান  
করিলেন। যাইবার সময় অনেকই কহিলেন  
“চারুবালা তুমি মানবী-না-দেবী তাহা আমরা  
বুঝিতে পারিলাম না।” প্রায়শ্চিত্ত করিবার  
পূর্বেই রাজীবলোচন তাঁহার নতন প্রস্তুত  
হার আনাইয়া চারুবালার গলায় পরাইয়া  
দিয়াছিলেন। ঐ হার পরিধান করিয়াই  
চারুবালা প্রায়শ্চিত্ত করিল।

সমাপ্ত





করিবে । তুমি নাম মাত্র পাইবে । তাহাতে তোমার যাবজ্জীবন সুখে থাকা দূরে থাক চিরকাল কষ্ট ভোগ করিতে হইবে ।

রাধারাণীর কথা শুনিয়া গৌরীশঙ্করের মনে ঘৃণার উদয় হইল । তিনি ভাবিলেন মা আর মাসীমা একই পদার্থ । তিনি এতদিন তাঁহাকে পুত্রের মত দেখিতেন, পুত্র সম্বোধন করিতেন, আজ তিনি কোন্ সাহসে এ সকল কথা ব্যক্ত করিলেন । ছিঃ ছিঃ এ সংসারে কামিনী আর কাকন এই দুইটাই সকল অনিষ্টের মূল ।

এই প্রকার চিন্তা করিয়া গৌরীশঙ্কর বলিলেন অদৃষ্টলিপি অখণ্ডনীয় । আমার অদৃষ্টে যাহা আছে শত চেষ্টাতেও তাহার বিপর্যয় করিতে পারিব না । আর সুখ দুঃখ ? ধনশালী হইলেই সুখী হওয়া যায় না ; শাকাম ভোজী, পর্ণকুটীরবাসী দরিদ্র ভিক্ষুকও অসীম সুখের অধিকারী হইতে পারে ।

রাধারাণী অটহাস্ত করিলেন । হাসিতে হাসিতে বলিলেন এ বয়সে তোমার মুখে ও সকল কথা শোভা পায় না । অনীতিবর্ধ বয়স্ক বৃদ্ধেরাই দৈবকে প্রধান বলিয়া স্বীকার করে । তোমার মত যুবকেরা দৈবকে পদতলে দলিত করিয়া পুরুষকারের আশ্রয় গ্রহণ করে ।

গৌরীশঙ্কর রাধারাণীর কথা ভাল বুঝিতে পারিলেন না । তিনি বিস্মিত হইয়া জিজ্ঞাসা

করিলেন আমার তবে কি করিতে বলেন ? কি করিলে পুরুষকার লাভ করা যায় ?

রাধারাণী মুচকি হাসিয়া গৌরীশঙ্করের মুখের দিকে চাহিয়া বলিলেন “তুমি পুরুষ আমি রমণী । আমি তোমার কি উপায় বলিব ? তোমার ঘটে যে এ বুদ্ধি টুকুও নাই তাহা আমি জানিতাম না । এই জন্তই বুদ্ধি পাঁচ জনে তোমার সুখ্যাতি করে ।

গৌরীশঙ্কর লজ্জায় মস্তক অবনত করিলেন । পরে অতি ধীরে ধীরে বলিলেন “কই আমিও কোন উপায় দেখিতে পাইলাম না । যদি তোমার জানা থাকে বলিয়া দাও ।”

রাধা । বলিতে পারি—যদি সেই মত কাজ কর ।

গৌরী । না জানিলে কেমন করিয়া স্বীকার করিব ।

রাধারাণী আর একবার গৌরীশঙ্করের আপদ মস্তক নিরীক্ষণ করিলেন । পরে জিজ্ঞাসা করিলেন “আমিই এখন এ বাড়ীর সর্বময়ী কর্ত্রী ইহা স্বীকার কর কি ?”

গৌরী । খুব স্বীকার করি ।

রাধা । আমার হাতেই জমীদার বাবুর যাবতীয় সম্পত্তি তাহাও জান বোধ হয় ।

গৌরী । জানি ।

রাধা । ইচ্ছা করিলে আমি তাহার অধিকাংশ আত্মসাৎ করিতে পারি ?

গৌরী । পার ।

রাধা। তবে আমার সাহায্য লও না কেন ?

গৌরীশঙ্কর তখনও রাধারাণীর মনের কথা বুঝিতে পারিলেন না। তিনি আশ্চর্য্যান্বিত হইয়া জিজ্ঞাসা করিলেন “তুমি ? কেমন করিয়া তুমি আমার সাহায্য করিবে বুঝিতে পারিলাম না।”

রাধারাণী বিরক্ত হইলেন। কি করিবেন স্থির করিতে পারিলেন না। অবশেষে লজ্জার মাথা ধাইয়া স্রোত হাসিয়া বলিলেন “আমি তোমার অধিকাংশ সম্পত্তির মালিক করিতে পারি। আমি যদি জমীদার বাবুর সমুদায় নগদ সম্পত্তি লইয়া তোমার সহিত কোন দূরদেশে চলিয়া যাই তাহা হইলে তবিষাতে সেই সমস্তই তোমার হইবে। কেমন সন্তুষ্ট আছ ? আমাকে লইয়া বাইতে সাহস হয় ?”

রাধারাণীর মনের কথা বুঝিতে পারিয়া গৌরীশঙ্করের মন স্থগা ও লজ্জায় পরিপূর্ণ হইল। রাধারাণী যে তাঁহার সমক্ষে মুখ কুটিয়া ঐ সকল কথা বলিবেন তাহা তিনি স্বপ্নেও ভাবেন নাই। তিনি বিষম বিপদে পড়িলেন। রাধারাণী যে অতি ভয়ানক রমণী তাহা তিনি পূর্বেই জানিতে পারিয়াছিলেন ; কিন্তু তিনি যে এতদূর করিতে সাহস করিবেন তাহা তাঁহার ধারণা ছিল না।

কিরংকণ চিন্তার পর তিনি ব্রীড়াবনত-মুখে বলিলেন “মাসীমা ! অঞ্জ বাহা আমার

সমক্ষে বলিলে, তাহা ভুলিয়া যাও। আমার ক্রমা কর। আমি তোমার-সন্তান আমার উপর এ অত্যাচার কেন ? আমি তোমার স্নেহের প্রার্থী-প্রণয়র আকাঙ্ক্ষা করি না। আর ও কথা মনেও আনিও না।”

এই বলিয়া আর উত্তরের অপেক্ষা না করিয়াই গৌরীশঙ্কর তথা হইতে প্রস্থান করিলেন। রাধারাণী ব্যর্থ প্রণয়র বিষময় ফল ভোগ করিয়া নীরবে অশ্রু বিসর্জন করিতে লাগিলেন।

ঠিক সেই সময় সতীশচন্দ্র তথায় আসিয়া উপস্থিত হইলেন। দেখিলেন রাধারাণী রোদন করিতেছেন, তিনি কিছুই বুঝিতে পারিলেন না। গৃহে প্রবেশ করিবার সময় গৌরীশঙ্করকে ক্রতবেগে প্রস্থান করিতে দেখিয়াছিলেন। গৃহ মধ্যে আসিয়া রাধারাণীকে রোদন করিতে দেখিলেন। ব্যাপার কি বুঝিতে না পারিয়া তিনি আশ্চর্যান্বিত হইলেন, এবং সাগ্রহে জিজ্ঞাসা করিলেন “কি হইয়াছে রাধা ? এখানে বসিয়া রোদন করিতেছ কেন ?”

রাধারাণী কোন উত্তর করিলেন না। প্রিয়তমের সোহাগ পাইয়া তিনি আরও রোদন করিতে লাগিলেন। সতীশচন্দ্র একবার চারিদিক লক্ষ্য করিয়া তখনই তাঁহার পার্শ্বে গিয়া দাঁড়াইলেন এবং নিজ বস্ত্রাঙ্কলে তাঁহার অশ্রুজল মার্জন করিয়া পুনঃপায় তাঁহার কন্দলের কারণ জিজ্ঞাসা করিলেন।

কিছুক্ষণ পরে রাধারাণী শান্ত হইলেন । তিনি অতি ধীরে ধীরে উত্তর করিলেন আমার আর এ বাটীতে বাস করা হইলনা দেখিতেছি ।”

বাধা দিয়া সতীশচন্দ্র জিজ্ঞাসা করিলেন সে কি ? কি হইয়াছে ? অমন কথা মুখে আনিতেছ কেন ?

রাধা । যে সে লোক যে আমায় উপহাস করিবে, যাহা তাহাদের মুখে আসিবে তাহাই বলিবে, ইহা আমি গৃহস্থের বধু ও গৃহস্থের কন্যা হইয়া সহ্য করিতে পারিব না ।

সতীশচন্দ্র রাগান্বিত হইলেন । তিনি সাগ্রহে বলিয়া উঠিলেন “কি হইয়াছে বল আমি এখনই তাহার উপায় করিতেছি ।”

সুযোগ পাইয়া রাধারাণী দীর্ঘ নিশ্বাস ত্যাগ করিলেন । পরে বলিলেন “গৌরীশঙ্কর আজ আমায় এই নির্জনে গৃহে একা পাইয়া যৎপরোনাস্তি অপমানিতা করিয়াছে । তিনি তোমার ভ্রাতৃপুত্র, ভবিষ্যতে এই জমীদারীর মালিক কিন্তু তাহার জন্ত আমি তাঁহার অপমান সহ্য করিব কেন ? আর আমি এখানে থাকিব না ।

সতীশচন্দ্র কিছুক্ষণ চিন্তা করিয়া বলিলেন “কাল যদি গৌরীকে এবাটীতে আর দেখিতে পাও, তাহা হইলে তোমার যাহা ইচ্ছা করিও । আমিও এই মাত্র তাহাকে এই গৃহ হইতে দৌড়িয়া পলায়ন করিতে দেখিয়াছি । কিন্তু তখন তাহার কারণ

আনিতে পারি নাই । এখন সমস্তই বুঝিতে পারিয়াছি, তাহাকে আমি বেশ আনি । সে এ বাড়িতে থাকিবার উপযুক্ত পাশ্চ মছে ।”

রাধারাণীর মনোভিলাষ পূর্ণ হইল । তাহার মুখে হাসি দেখা দিল । সতীশচন্দ্র সে বিদ্যুৎ হাসি দেখিয়া মুগ্ধ হইলেন এবং কিছুক্ষণ পরে তথা হইতে প্রস্থান করিলেন ।



## দশম পরিচ্ছেদ

সেই দিন রাতে আহালাদি সনাপন করিয়া সতীশচন্দ্র গৌরীশঙ্করকে ডাকিয়া পাঠাইলেন । তিনি ইহার পূর্বেই বুঝিয়া ছিলেন যে রাধারাণীকে প্রত্যাখ্যান করিবার জন্য তাঁহাকে যথেষ্ট কষ্ট পাইতে হইবে । এখন সতীশচন্দ্র তাঁহাকে আহ্বান করিয়াছেন শুনিয়া তিনি চিন্তিত হইলেন এবং বিলম্ব না করিয়া স্নান বদনে তাঁহার সম্মুখীন হইলেন ।

রাধারাণীর কথা শুনিয়া সতীশচন্দ্র ভয়ানক রাগান্বিত হইয়াছিলেন । তাঁহাকে সম্মুখে দেখিয়া তিনি অতি কৰ্কশ ভাবে বলিলেন “গৌরী ! এ বাড়ী কাহার ?”

গৌরীশঙ্কর এ পর্য্যন্ত কখনও তাঁহার জ্যেষ্ঠামহাশয়ের কথায় উত্তর করেন নাই । তিনি তিরস্কার বা কটুকাটব্য বলিলেও কথা

কহিতেন না—নীরবে সমস্তই সহ করিতেন । কিন্তু সেদিন আর তিনি সহ করিতে পারিলেন না এত অবিচার এত পক্ষপাতিত্ব তাঁহার প্রাণে লাগিল । তিনি অতি বিনীত ভাবে উত্তর করিলেন “আজ্ঞে—সমস্তই আপনার ।”

সতীশচন্দ্র তখন আরও রাগান্বিত হইলেন । তিনি ক্রোধে উন্মত্ত হইয়া চীৎকার করিয়া বলিলেন “যদি তাহাই বুঝিয়া থাক তবে এ বাড়ীতে তোমার ইচ্ছামত কার্য করিতেছ কেন ?”

গৌরী । কি কাজ করিতেছি ? আপনার অনুমতি ব্যতীত আমি কোন কাজই করি না ।

সতী । এ বাড়ীতে আমার এক আত্মীয় আছেন । তিনি না থাকিলে, তাঁহার সাহায্য না পাইলে স্ত্রী বিয়োগের পর আমি কোন জন্মেই সংসার চালাইতে পারিতাম না । আমি সেই জন্ত তাঁহার সম্মান রক্ষা করিয়া থাকি । আমার এমন ইচ্ছা নয় যে এ বাড়ীর কোন লোক তাঁহাকে অপমানিতা করে । শুনিলাম আজ নাকি তুমি তাঁহাকে অনেক কুকথা বলিয়াছ ?

আশ্চর্য্যান্বিত হইয়া গৌরীশঙ্কর বলিয়া উঠিলেন “আমি—কুকথা বলিয়াছি আমি ? আপনি শুনিয়াছেন ?”

সতী । আমি সস্বং তোমায় বলিতে শুনি নাই কিন্তু যখন তুমি রাধারানীকে অপমান করিয়া পলায়ন করিতেছিলে ঠিক সেই

সময়ে আমি তথায় উপস্থিত হই । তাহার পর গৃহ মধ্যে প্রবেশ করিয়া দেখি রাধারানী রোদন করিতেছেন । আমি তাঁহার ক্রন্দনের কারণ জিজ্ঞাসা করিলাম, প্রথমে তিনি তোমার নাম করিতে ইচ্ছা করেন নাই । অবশেষে আমার নিরীকান্তিশর দেখিয়া কাঁপিতে কাঁপিতে সকল কথা বলিলেন এখনও কি তুমি আমার কথা অবিশ্বাস করিতে চাও ?

গৌরী । আজ্ঞে না—আপনার কথার আমার অবিশ্বাস নাই ।

সতী । তবে—কেন এমন কাজ করিলে ? গৌরীশঙ্কর কোন উত্তর করিলেন না । তিনি নির্বিমেষ নয়নে সতীশচন্দ্রের পায়ের দিকে চাহিয়া রহিলেন । সতীশচন্দ্র তখন ক্রোধে অগ্নিশর্মা হইয়া ছিলেন । তাঁহার সর্বাস্ত্র খর খর করিয়া কাঁপিতেছিল । তিনি বলিলেন এ বাড়ীতে তোমার আর স্থান হইবে না । কাল প্রত্যুষে যেন আর আমার তোমার মুখ দেখিতে না হয় ।”

এই বলিয়া সতীশচন্দ্র তখনই তথা হইতে প্রস্থান করিলেন । গৌরীশঙ্কর কিছুক্ষণ তথায় নীরবে রোদন করিয়া ধীরে ধীরে সে ঘর হইতে বাহির হইলেন এবং কাহাকেও কোন কথা না বলিয়া সেই রাত্রেই গৌরীপুর ত্যাগ করিলেন ।

পরদিন প্রত্যুষেই সতীশচন্দ্র গৌরীশঙ্করকে ডাকিয়া পাঠাইলেন । ভৃত্য বাড়ীর

চারিদিকে অন্বেষণ করিল কিন্তু কেথাও তাঁহার দেখা পাইল না। সে তখন জমীদার বাবুকে প্রকৃত ব্যাপার জ্ঞাপন করিল। সতীশচন্দ্র কোথের বশবর্তী হইয়া গৌরীশঙ্করকে বাড়ী হইতে দূর করিয়া দিয়া বিশেষ হুঃখিত হইলেন এবং গোপনে তাঁহার অপসন্ধানের জন্য চারি দিকে লোক পাঠাইয়া দিলেন।

চারুশীলা, হরশঙ্কর ও তাঁহার বন্ধু ভবানী-প্রসাদ যথা সময়ে এই সংবাদ প্রাপ্ত হইলেন। গৌরীশঙ্কর নিজগুণে সকলেরই প্রিয় ছিলেন, তাঁহার অদর্শনে সকলেই ব্যথিত ও বিব্রত হইলেন।

—:—

## একাদশ পরিচ্ছেদ

এক মাস অতীত হইয়া গেল, কিন্তু গৌরীশঙ্করের কোন সংবাদ পাওয়া গেল না। সতীশচন্দ্র ক্রমেই চিন্তিত হইয়া পড়িলেন। তিনি ভাবিলেন হয়ত গৌরীশঙ্কর আত্মঘাতী হইয়াছেন। নানা চিন্তায় তাঁহার শরীর ও মন দিন দিন অবসন্ন হইয়া পড়িতে লাগিল।

রাধারাণী কোশলে নিজ দোষ গৌরীশঙ্করের উপর চাপাইয়া নিকৃতি লাভ করিয়াছিলেন বটে, কিন্তু যখনই তাঁহার গৌরীশঙ্কর-ক মনে পড়িত, যখনই তাঁহার অমায়িক ভাব হামি হামি মুখখানি তাঁহার মানস পটে

উদিত হইত তখনই তিনি আন্তরিক হুঃখিতা হইতেন, তাঁহার আর কোন কার্য ভাল লাগিত না।

সতীশচন্দ্র রাধারাণীর এইরূপ পরিবর্তন লক্ষ্য করিলেন। তিনি অনুমান করিলেন গৌরীশঙ্কর একা দোষী নহে—নিশ্চয়ই রাধারাণীরও দোষ আছে। এইরূপ নানা প্রকার চিন্তায় সতীশচন্দ্র অস্থির হইয়া পড়িলেন এবং গৌরীশঙ্করের অন্বেষণের জন্য বৎপরোনাশ্চি চেষ্টা করিতে লাগিলেন।

আন্তরিক চেষ্টায় সফল ফলিল—গৌরীশঙ্কর যখন শুনিলেন যে তাঁহার জ্যেষ্ঠমহাশয় তাঁহার জন্য আন্তরিক হুঃখিত হইয়াছেন এবং তাঁহার অপসন্ধানের জন্য চারিদিকে লোক প্রেরণ করিয়াছেন, তখন তিনিও আর নিশ্চিন্ত থাকিতে পারিলেন না। সতীশচন্দ্রকে পত্র লিখিলেন।

পত্র পাঠ করিয়া সতীশচন্দ্র আনন্দিত এবং গৌরীশঙ্করকে পুনরায় বাড়ীতে ফিরিতে অনুরোধ করিলেন। গৌরীশঙ্কর সম্মত হইলেন কিন্তু বিশেষ কার্য থাকায় তখনই প্রত্যাগমন করিতে পারিলেন না। সতীশচন্দ্র ক পত্র দ্বারা জানাইলেন দুই দিন পরে তাঁহার চরণ দর্শন করিবেন।

হরশঙ্কর চির কালই আমোদ আহ্লাদ লইয়া ব্যস্ত। সমস্ত দিন তিনি বন্ধুর সহিত পরামর্শ করেন আর সন্ধ্যার পর আহারাদি করিয়া চুই বন্ধুতে বাহির হন। কোন দিন

বাড়ীতে ফিরেন. কোন দিন বা ফিরিতে পারেন না। সতীশচন্দ্র এ সকল কথা জানিতেন না। তিনি হরশঙ্করকে অত্যন্ত ভাল বাসিতেন তাঁহার দোষ তিনি দেখিতে পাইতেন না। রাধারাণী দুই একদিন এ কথা সতীশচন্দ্রের কাছে খুলিয়াছিলেন, কিন্তু এবার তিনি তাঁহার কথায় বিশ্বাস করিয়া! সহসা কোন কার্য করেন নাই। তিনি রাধারাণীকে মিষ্ট কথায় সন্তুষ্ট করিলেন।

ভবানীপ্রসাদের সহিত রাধারাণীর মধ্যে মধ্যো সাক্ষাৎ হইত। চারিচন্দ্র মিলন হইলে ভবানীপ্রসাদ ইচ্ছিত করিয়া সেই হাজার টাকার কথা জিজ্ঞাসা করিতেন, কিন্তু বিশেষ সন্তোষ জনক উত্তর পাঠিতেন না।

রাধারাণী কিন্তু নিশ্চিন্ত ছিলেন না। সুযোগ পাইলেই তিনি সতীশচন্দ্রের নিকট হইতে আদায়ের চেষ্টা করিতেন এবং মধ্যো সফল ও হইতেন। কিন্তু হাজার টাকা সহজ কথায় নয়, এত টাকা সংগ্রহ করাও তাঁহার পক্ষে কষ্টকর। তথাপি কোন উপায়ে ঐ টাকা গুলি যোগাড় করিবেন তাহাই প্রাণপণে চেষ্টা করিতে লাগিলেন।

হরশঙ্কর দিন দিন অধিক হইয়া পড়িলেন। যতদিন গৌরীশঙ্কর নিকটে ছিলেন, ততদিন তিনি বিশেষ কোন উপাত্ত করিতে পারেন নাই। সতীশচন্দ্রকে তিনি যত ভয় না করেন গৌরীশঙ্করকে তদপেক্ষা অনেক অধিক ভয় করিতেন। যে কয়দিন

গৌরীশঙ্কর গৌরীপুরে ছিলেন না, সেই কয় দিনের মধ্যেই হরশঙ্কর অনেক টাকার হাণ্ডনোট কাটিলেন। দেনার দায়ে তাঁহার মুখ দেখান ভার হইল।

ভবানীপ্রসাদ যখন দেখিলেন যে হরশঙ্করের যথেষ্ট দেনা হইয়াছে, অর্থের অভাবে আর পূর্বের মত আমোদ আহ্লাদ হইতেছে না, তখন তিনি নিজের পথ দেখিতে লাগিলেন কিন্তু রাধারাণী তখন ও হাজার টাকা সংগ্রহ করিতে পারে নাট বলিয়া তিনি আরও দিন কয়েক সেখানে থাকিতে বাধ্য হইলেন।

—:—

## দ্বাদশ পরিচ্ছেদ

একদিন প্রাতঃ কালে ভবানীপ্রসাদ উদ্যান ভ্রমণ করিতেছেন, এমন সময়ে জমীদার বাড়ীর এক দাসী আসিয়া তাঁহার হস্তে একখানি পত্র দিল। তিনি সশব্দে হইয়া পত্রখানি খুলিয়া ফেলিলেন এবং পাঠ করিয়া স্তম্ভিত হইলেন। প্রথমে ভাবিলেন পত্রখানি জাল; কিন্তু কিছুক্ষণ পরে তাঁহার সে ধারণা দূর হইল। তিনি পত্রের কথা মত কার্য করিতে মনস্ত করিলেন।

উদ্যান ভ্রমণ শেষ করিয়া যখন ভবানীপ্রসাদ আপন প্রকোষ্ঠে গমন করিলেন, তখন বেলা প্রায় আটটা, তিনি গহ মধ্যো একখানি কোঁচের উপর উপবেশন করিলেন এবং গভীর



চিন্তায় নিমগ্ন হইলেন । কিছুক্ষণ পরে পত্রখানি আবার বাহির করিলেন এবং অনুচ্চস্বরে পুনরায় পাঠ করিলেন ।

“দামোদর ।

যদি আমার উপর কিছু মাত্র ভালবাসা থাকে, যদি আমাকে দেখিবার বসনা থাকে, তাহা হইলে আজ রাত্রি নয়টার সময় ভৈরবনদের জমীদার ঘাটে বড় বটরুক্ষের তলে আসিও । অনেক কথা আছে ।

তোমারই—রাজু”

পত্র পাঠ করিয়া ভবানীপ্রসাদ ওরফে দামোদর কি ভাবিয়া হাসিয়া উঠিলেন । পরে আপনা আপনি বলিতে লাগিলেন যদি প্রভাকে পাই তাহা হইলে রাজুকে কোন প্রয়োজন নাই । প্রভার সহিত অপর কোন রমণীরই তুলনা হয় না । কিন্তু একবার যাহাকে আদর করিয়াছি তাহাকে নিতান্ত অবজ্ঞা করাও ভাল দেখায় না ।

এইরূপ চিন্তা করিয়া তিনি রাত্রি নয়টার সময় নির্দিষ্ট স্থানে গিয়া পত্র লেখিকার সহিত সাক্ষাৎ করিতে মনস্থ করিলেন ।

যে দাসী পত্রখানি তাঁহার হস্তে দিয়াছিল সে বড় চতুরা । পত্রখানি প্রদান করিয়া সে অন্তরালে লুকাইয়া রহিল ও যখন ভবানীপ্রসাদ অনুচ্চস্বরে আপনা আপনি ঐ কথা বলিতেছিলেন, তখন সে গোপনে দাঁড়াইয়া তাঁহার সকল কথা শুনিতে পাইয়াছিল । তাহার কেমন সন্দেহ হইল । পূর্ব হইতেই

সে ভবানীপ্রসাদের উপর বিরক্ত হইয়াছিল এখন তাঁহার মুখে সেই সকল কথা শুনিয়া সে ভবানীপ্রসাদের কার্য লক্ষ্য করিতে লাগিল ।

সন্ধ্যার পর আহাৰাদি সমাপন করিয়া ভবানীপ্রসাদ যখন নির্দিষ্ট গৃহে গমন করিলেন, তখন সেই দাসীও গোপনে তাঁহার গৃহের নিকট লুকাইয়া রহিল এবং ভবানীপ্রসাদ যখন সকলের অগোচরে জমীদার বাটী হইতে বহির্গত হইলেন, দাসীও তাঁহার অনুসরণ করিল ।

কিছুদূর গমন করিয়া ভবানীপ্রসাদ নদীতীরে আগমন করিলেন এবং জমীদার ঘাটের নিকট যে বটরুক্ষ ছিল তাহার তলে উপস্থিত হইলেন । দাসীও দূরে থাকিয়া তাঁহার অনুসরণ করিল এবং নিকটস্থ অপর একটা প্রকাণ্ড রুক্ষের অন্তরালে দাঁড়াইয়া রহিল ।

কিছুক্ষণ পরেই দাসী একজন স্ত্রীলোকের কণ্ঠস্বর শুনিতে পাইল । সে আশ্চর্য্যান্বিতা হইয়া ব্যগ্রভাবে তাহাদের কথোপকথন শুনিতে লাগিল ।

ভবানীপ্রসাদ বটরুক্ষতলে উপস্থিত হইবা মাত্র সেই পত্র লেখিকা রাজবালা ব্যস্ত সমস্ত হইয়া জিজ্ঞাসা করিল “কেও দামু !”

অতি কৰ্কশ স্বরে ভবানীপ্রসাদ উত্তর করিলেন, না—আমার নাম এখন ভবানী । তুমি এখানে কি জন্ত ? এখনও কি আমার আশাত্যাগ করিতে পার নাই ?”

অতি বিস্মিত ভাবে রাজবালা উত্তর করিল “এ অম্বে তোমার আশা ছাড়িতে পারিব না। কিন্তু এই তোমার ভালবাসা? এতকাল আশা দিয়া শেষে কি এই রূপেই আমাকে হত্যা করিতে চাও? না—না—দামু তুমি আমার নিশ্চয়ই উপহাস করিতেছ। আমি যে তোমার জন্ত সাতসবুজ ডেরনদী পার হইয়া, কত লোকের নিকট অপমানিতা হইয়া কত লোকের তিরস্কার খাইয়া এতদূরে আসিলাম, তাহার কি এই প্রতিফল? না দামু—আমি তোমার কথা বিশ্বাস করিতে পারিতেছি না। জান কি তুমি, আমি কত কষ্টে তোমার সন্ধান পাইয়াছি?”

তবা। সে কথা জানিয়া আমার কল কি? কেন তুমি এত কষ্ট করিয়াছ?

রাজ। তোমার পাইব বলিয়া। যখন সোহাগ ভরে আমার আদর করিয়া বলিয়াছিলে এ অম্বে আমার পরিত্যাগ করিবেনা তখন কি এ সকল কথা ভাব নাই? জানিতে না কি রমণীর প্রতিহিংসা কি ভয়ানক। জান না কি আমি এখনও তোমার সর্কনাস করিতে পারি?

তবানীপ্রসাদ কিছুকণ কোন উত্তর করিলেন না। পরে অতি গম্ভীর ভাবে অজ্ঞাসা করিলেন “এখন আর তুমি আমার কি অপকার করিবে?”

রাজ। কি করিব? যদি একবার

জেল হইতে পলায়ন করিয়াছ তাহা হইলে কি হইবে তাহা দেখিয়াছ কি?

তবা। তাহাতে তোমার লাভ? আর তুমি ও সাধু নহ, তুমি ও এক অম জেলের আসামী।

রাজ। আমি জেল হইতে পলায়ন করি নাই। তোমাকে উদ্ধার করিবার জন্ত সাহায্য করিয়াছি মাত্র। যদি তাহাতেই আমার শাস্তি পাইতে হয়, তাহা হইলে তোমার কি হইবে ভাব দেখি।

তবানীপ্রসাদ আর সহ্য করিতে পারিলেন না। তিনি গোপনে একখানি তীর্থবার ছোরা বাহির করিয়া সহসা রাজবালাকে আক্রমণ করিলেন এবং একটা আঘাতে তাহাকে নদী গর্ভে নিক্ষেপ করিয়া দ্রুতগতি বিক্ষেপে জমীদার বাড়ীর দিকে পলায়ন করিলেন।

দাসী যখন দেখিল তবানীপ্রসাদ দৌড়িয়া পলায়ন করিতেছেন তখন সেও দ্রুতগতি তাঁহার পশ্চাদনুসরণ করিল এবং তবানীপ্রসাদকে জমীদার বাড়ীতে প্রবেশ করিতে দেখিয়া পুনরায় নদীতীরে গমন করিয়া নিম্নেব মধ্যে রাজবালাকে উত্তোলন করিল। দেখিল রমণী মুচ্ছিতা।

দাসী তাহারা ছিল তবানীপ্রসাদের ঘোড়ার আঘাতে রমণী মারা পড়িয়াছে।

রাজ। কি করিব? যদি একবার

